



TOSHKENTDA SHHT MUDOFAA VAZIRLARI YIG'ILISHI BO'LIB O'TDI

3-sahifa ▶▶

● Gazeta 1992-yilning 24-iyunidan chiqa boshlagan ● 2022-yil 26-avgust, №34 (2993)

YANGI O'ZBEKISTONDA EL AZIZ, INSON AZIZ

VATANPARVAR

v-vatanparv

IJTIMO

MA'NAVI

HARBIY

NPALVARLIK GAZETASI



DASTLABKI OLTIN MEDAL

O'zbekiston Respublikasi jamoasi a'zolari oltin medallar bilan taqdirlanishdi. Shundan so'ng yurtimiz vakillariga Xalqaro armiya o'yinlari kubogi hamda musobaqa bosh sovrini "Chevrolet Genra" avtomashinasining kaliti tantanali tarzda topshirildi.

4-5-sahifalar ▶▶



HURLIK QURBONLARINI UNUTMANG!

21-sahifa ▶▶

«ARMI-2022»

@ vatanparvar-bt@umail.uz

t.me/mv_vatanparvar_uz
t.me/mudofaavazirligi

facebook.com/mudofaavazirligi

instagram.com/mudofaavazirligi

youtube.com/c/uzarmiya

6

6 TA REKORD
BILAN
G'ALABA
SARI

8

«XAVFSIZ
MUHIT»DA
MAHORAT
SINOVI

9-11

O'ZBEKISTON
JAMOALARINING
DADIL
ODIMLARI

Tahririyat
haqida
ma'lumot



ЯНГИ САМАРҚАНД: ВОҚЕЛИККА АЙЛАНГАН ОРЗУ

Ўзбекистон Республикаси Президенти Шавкат Мирзиёевнинг Самарқанд шаҳрида «Буюк Ипак йўли» халқаро туризм марказининг очилишига бағишланган тантанали маросимдаги нутқи

Ассалому алайкум, ҳурматли Самарқанд аҳли!

Мухтарам меҳмонлар!

Бугун сиз, азизлар билан, барчамиз учун қадрли бўлган Самарқанднинг янги қиёфасини белгилаб берадиган мухташам мажмуа – «**Буюк Ипак йўли**» халқаро туризм марказининг тантанали очилиш маросимида учрашиб турганимдан хурсандман.

Халқимизнинг ақл-заковати ва фидокорона меҳнати билан бунёд этилган ушбу мажмуа Янги Ўзбекистонни барпо этиш йўлидаги яна бир салмоқли, зафарли натижа бўлди, десак, айна ҳақиқатни айтган бўламиз.

Қадимий ва навқирон Самарқанд бағрида қад ростлаган мана шундай замонавий, улғувор меъморий мажмуа барчамизга, бутун халқимизга муборак бўлсин, буюрсин!

Азиз юртдошлар!

Ҳаммамизга яхши маълум, Самарқанд – миллий давлатчилигимиз ва умуман, жаҳон цивилизацияси тарихида алоҳида ўринга эга. Ушбу боқий шаҳар тарихимиздаги иккала Ренессанс даврининг юзага келиши ва ривожига муҳим роль ўйнаган.

Буюк Амир Темури бобомиз ўзи барпо этган қудратли салтанат учун айнан Самарқанд шаҳрини пойтахт этиб белгилагани ҳам албатта бежиз эмас.

Ушбу заминда шаклланган қутлуғ анъаналарни изчил давом эттирган ҳолда, Самарқанднинг қадимий шухратини тиклаш мақсадида охириги йилларда уни янада кўркам ва обод қилиш, чинакам халқаро туризм марказига айлантириш бўйича кенг кўламли ишларни амалга оширмоқдамиз.

Янгидан қурилиб, бугун очилаётган «**Буюк Ипак йўли**» маркази шу йўлдаги яна бир улкан қадам бўлди. Йилга 2 миллион туристга хизмат қиладиган бу кўп тармоқли марказ таркибида «Боқий шаҳар» мажмуаси, Конгресс ҳолл, 8 та замонавий меҳмонхона, амфитеатр ва кўпплаб бошқа объектлар мавжуд.

Биз марказ лойиҳасини пухта ишлаб чиқиш учун тажрибали меъмор ва муҳандислардан иборат халқаро жамоани жалб этдик. Улар тайёрлаган лойиҳани миллий меъморчилик ва шаҳарсозлик тажрибамиз, иқлим шароитимиздан келиб чиқиб, қайта-қайта муҳокама қилдик ва такомиллаштирдик.

Бу улкан марказ буюк аждодларимиз бунёд этган мухташам меъморий обидаларга муносиб бўлиб, уларнинг тарихий анъаналарини давом эттиради. Ушбу мажмуа мамлакатимизда ҳозирги пайтда пойдевори қурилиши бошланган Учинчи Ренессанс ва олдинги тарихий даврлар ўртасидаги рамзий кўприк бўлади, деб ишонаман.

Бунёдкор халқимиз, юқори билим ва тажрибага эга инженер-мутахассисларимиз, навқирон ёшларимиз ана шундай ғоят мураккаб ва ноёб лойиҳани амалга ошириш учун хорижий ҳамкорларимиз билан қўлни қўлга бериб, фидокорона меҳнат қилдилар.

Шу ўринда Туркия, Буюк Британия, Италия каби давлатларнинг

юксак малакали инженер ва техник мутахассислари қурилиш жараёнида фаол иштирок этганини алоҳида қайд этиш лозим.

Фурсатдан фойдаланиб, бугунги тантанали маросимда қатнашаётган чет эл дипломатик корпус ва халқаро ташкилотлар вакиллариини самимий қутлаб, Ўзбекистон билан кўп қиррали алоқаларни ривожлантиришга катта ҳисса қўшаётганлари учун уларга чин қалбимдан миннатдорлик билдираман.

Бундан кейин ҳам сизларнинг шарафли фаолиятингизда давлатларимиз ўртасидаги ҳамкорликни янада мустаҳкамлаш, жумладан, туризм соҳасидаги алоқаларни кенгайтириш – устувор йўналишлардан бири бўлиб қолади, деб умид қиламиз.

Қадрли дўстлар!

Ушбу янги кўркам мажмуага «**Буюк Ипак йўли**» деб ном берганимиз замирида чуқур маъно бор.

Асрлар давомида Хитойнинг қадимий Сиан шаҳридан бошланиб, дунёнинг кўпплаб мамлакатлари ҳудудидан ўтган ва кўҳна Римга қадар етиб борган бу улкан савдо йўли жаҳон халқлари ўртасидаги иқтисодий, маданий-маърифий мулоқот воситаси бўлиб келган. Азим Самарқанд эса Буюк Ипак йўлининг асосий манзилларидан бири бўлганини ҳаммамиз яхши биламиз.

Шуни ҳисобга олиб, биз янги марказдаги биноларда Буюк Ипак йўли даврига оид тарихий манзараларни ҳам акс эттирдик. Масалан, «Боқий шаҳар» мажмуаси безакларида қадимий Афросиёб деворларида сақланиб қолган Сўғд давлати ҳукмдорининг Корея, Хитой, Ҳиндистон ва бошқа мамлакатлар элчиларини қабул қилиш маросими тасвирларидан фойдаландик.

Ўйлайманки, ана шу давлатларнинг элчилари ва хорижий сайёҳлар ҳам ушбу тасвирлар билан танишиб, ўз юртлари тарихини шу ерда кўргандек бўлади.

Биз Буюк Ипак йўли орқали ривожланган ана шу тарихий анъаналарни, бугун тараққиёт, маданият, дўстлик ва ҳамкорлик йўли сифатида қайта тиклашга интилоқдамиз. Шу мақсадда дунё ҳамжамияти билан турли соҳалардаги алоқаларни кучайтириш, мамлакатимизга замонавий илм-фан ютуқлари, юқори технологиялар, инвестициялар, янги, илғор ғоялар кириб келиши учун шароит яратмоқдамиз.

Умуман, «Буюк Ипак йўли» мажмуаси Ўзбекистоннинг дунёга кенг очилаётган яна бир дарвозаси, десак, айна ҳақиқат бўлади.

Мухтарам анжуман иштирокчилари!

Самарқандни йирик туризм марказига айлантиришда «Боқий шаҳар» меъморий ансамбли алоҳида муҳим ўрин тутди. У келгусида бутун Самарқанднинг ўзига хос «ташриф қоғози»га айланади, деб ишонаман.

Ушбу мажмуа ҳар қандай сайёҳни қадимий афсоналар оламига, тарихий обидалар дунёсига олиб кирадиган том маънодаги ноёб лойиҳадир.

Қадимий услубда барпо этилган 14 та ҳудудимизга хос 40 та ҳунармандлик устахонасининг ҳар бири бетакрор қиёфага эга.

Кўли гул усталар ёғоч ўймакорлиги, кулолчилик, ипак қоғоз ишлаб чиқариш, заргарлик ва гилам тўқиш жараёнлари орқали сайёҳларнинг кўз ўнгида маҳорат дарсларини олиб борадилар. Хусусан, Риштон кулолчилиги, Бухоро зардўзлиги, Қорақалпоқ ўтови, Марғилон атласи каби ҳунармандчилик маҳсулотлари сайёҳлар учун амалий санъат дурдоналари сифатида тақдим этилади.

Бу ерга қадам қўйган инсон нафақат қадимий Самарқанд бағрида, балки бутун Ўзбекистон заминидан юргандек бўлади, унинг бор улғуворлиги ва беқиёс жозибасини ҳис этади.

Ушбу гўзал масканда 280 минг туп манзарали дарахт ва буталар экилди, 170 гектар яшил ҳудудлар яратилди.

Албатта, марказ ишга тушиши натижасида юртимизда туризм соҳасини янада юқори босқичга олиб чиқиш учун қўшимча имкониятлар очилади.

Шу ўринда бир рақамга эътибор беринг. Бундан 3-4 йил олдин Самарқандга ташриф буюрадиган маҳаллий ва хорижий туристлар сони 500 минг нафардан ошмас эди. Ҳозирги кунда туризмни ривожлантириш бўйича ислохотларимиз, қулай инвестициявий муҳит яратиш бўйича саъй-ҳаракатларимиз тўғрисида Самарқандга келаётган хорижий туристлар сони 2 баробар кўпайди.

Бу маррани янада юқори олиш учун барча имкониятлар етарли. Хусусан, келгуси йилларда Самарқандга келадиган хорижий туристлар сони 1,5 миллиондан ошириш бўйича чоралар кўрилмоқда.

Шу мақсадда вилоятдаги 50 га яқин маданий мерос мажмуасини реставрация қилиш ҳамда 600 дан зиёд замонавий меҳмонхона ва меҳмон уйлариини барпо этиш юзасидан аниқ режалар қилинган.

Шаҳарда жамоат транспорти тизими тубдан ислох этилиб, электробуслар қатнови йўлга қўйилади.

Самарқанднинг ҳаво дарвозаси бўлган аэропортни бутунлай янгитдан барпо этганимиз, ҳеч шубҳасиз, туризмни ривожлантириш йўналишидаги энг муҳим ишларимиздан бири бўлди. Янги аэропорт бугун очилаётган «**Буюк Ипак йўли**» марказини барпо этишдан кўзлаган мақсадларимизга ғоят уйғун ва ҳамоҳангдир.

Азиз дўстлар!

Биз йил бошида «**Ўзбекистон бўйлаб саёҳат қилинг!**» дастурини қабул қилдик. Шу йўлда мана бугун Самарқанд шаҳрида дастлабки катта натижаларни кўриб турибмиз. Келгусида бундай замонавий мажмуа Бухоро шаҳрида ҳам барпо этилади. Бу каби лойиҳаларни республикамизнинг барча ҳудудларида амалга ошириш бўйича ҳам режаларимиз бор.

Шу тариқа маҳаллий ва хорижий туристлар учун мамлакатимиздаги 8 мингдан ортиқ маданий мерос объектлари билан яқиндан танишиш имконияти янада кенгайтирилади.

Умуман олганда, ана шундай ишларимиз тўғрисида келгуси беш йилда мамлакатимизга келадиган сайёҳлар сонини ҳозирги 2 миллиондан 9 миллионга етказамиз.

Энг муҳими, туризм соҳасида меҳнат қиладиганлар сони 500 мингдан ошади. Уларни ўқитиш ва касбий маҳоратини ошириш мақсадида Самарқанд шаҳрида «Ипак йўли» туризм ва маданий мерос халқаро университети фаолияти йўлга қўйилган. Ушбу билим масканида ҳозирги кунда 6 та давлатдан мингдан зиёд талаба ўқимокда, уларга хорижлик профессорлар дарс бермоқда. Бу ерда 20 мингга яқин нодир адабиёт ва қўлёзма асарлардан иборат замонавий кутубхона ташкил этилган.

Қадрли ватандошлар!

Ёдингизда бўлса, бундан бир неча йил олдин сизлар билан биргаликда Самарқандни яна «**Ер юзининг сайқали**»га, дунёдаги энг гўзал ва обод шаҳарлардан бирига айлантирамиз, деб ниёт қилган эдик.

Шу мақсад йўлида Имом Бухорий бобомизнинг ёдгорлик мажмуаси тўлиқ қайта қурилмоқда. Насиб этса, бу табаррук зиёратгоҳ буюк аждодимизнинг мусулмон оламидаги беқиёс обрў-эътиборига ҳар томонлама муносиб бўлган ажойиб масканга айланади.

Азиз дўстлар!

Олдимизда катта-катта саналар, йирик сиёсий, маданий ва маърифий тадбирлар турибди. Жонажон Ватанимиз мустақиллигининг 31 йиллик байрами тобора яқинлашиб келмоқда.

Шанхай ҳамкорлик ташкилоти саммити, Туркий давлатлар ташкилотига аъзо мамлакатлар раҳбарлари учрашуви каби нуфузли халқаро тадбирлар ҳам яқин ойларида айнан Самарқандда бўлиб ўтади.

Келгуси йилда эса қадимий шаҳримизда Европа тикланиш ва тараққиёт банки бошқарув Кенгашининг йиллик йиғилиши ва Жаҳон туризм ташкилотининг Бош ассамблеяси ҳам ўтказилади.

Ана шундай улкан анжуманларни юқори савияда ташкил этишда бугун очилаётган янги марказимиз ҳам самарали хизмат қиладди.

Фурсатдан фойдаланиб, Самарқанд қиёфасини тубдан ўзгартириб юборган ушбу қурилишларни амалга оширишда чин юракдан, қалбидаги бор меҳри ва садоқати билан меҳнат қилган барча қурувчи ва мутахассисларга, тадбиркорлар ва мутасадди ташкилотларга, чет эллик ҳамкорларимизга, Самарқанд аҳлига, кўп миллатли бутун халқимизга миннатдорлик билдиришга ижозат бергайсиз.


Мана шундай гўзал масканларимиз янада кўпайсин!

Азим Самарқандимиз, жонажон Ўзбекистонимиз дунё тургунча турсин!

Барча ютуқларимизнинг ижодкори ва бунёдкори бўлган танти ва меҳнаткаш халқимиз доимо омон бўлсин!

Эътиборингиз учун раҳмат.

Xalqaro sammit



ТОШКЕНТДА ШХТ МУДОФАА ВАЗИРЛАРИ ЙИҒИЛИШИ БЎЛИБ ЎТДИ

Шу йилнинг 15-16 сентябрь кунлари қадимий ва кўҳна Самарқанд шаҳри Шанхай ҳамкорлик ташкилотига аъзо давлатлар раҳбарлари иштирокидаги ташкилотнинг навбатдаги саммитига мезбонлик қилади. Шу муносабат билан пойтахтимизда бўлажак саммитда иштирок этувчи давлатлар мудофаа вазирларининг кенгаш йиғилиши бўлиб ўтди.



Кенгаш йиғилишидан олдин Россия Федерацияси, Покистон, Ҳиндистон, Қозоғистон, Қирғиз, Тожикистон ҳамда Беларусь Республикалари мудофаа вазирлари ва Хитой Халқ Республикасининг Ўзбекистондаги фавқуллода ва мухтор элчиси генерал-лейтенант Баҳодир Қурбонов бошчилигида «Ғалаба боғи» ёдгорлик мажмуасида жойлашган «Матонат мадҳияси» монументи пойига гулчамбар қўйиш маросимида қатнашди. «Шон-шараф» музейини айланиш жараёнида юқори мартабали меҳмонлар ўзбек халқининг Иккинчи жаҳон уруши йилларида кўрсатган жасорати ва матонатини акс эттирувчи экспонатлар билан яқиндан танишдилар.

Шундан сўнг юқори мартабали меҳмонлар иштирокида кенгаш йиғилиши давом эттирилди. Йиғилишда Ўзбекистон Республикаси Президенти Шавкат Мирзиёев йўллаган табрик ўқиб эшиттирилди.



Конгресс ҳолда бўлиб ўтган йиғилишда кун тартибидан ўрин олган масалалар кўриб чиқилиб, тегишли ҳужжатлар имзоланди. ШХТ Бош котиби Чжан Мин ҳамда Хитой Халқ Республикаси мудофаа


вазири генерал-полковник Вэй Фенхэ Хитойдаги пандемия сабабли кенгаш йиғилишида видеоконференц-алоқа орқали қатнашди. Шу муносабат билан Хитой Халқ Республикаси мудофаа вазири

номидан ҳужжатларни Хитойнинг Ўзбекистондаги фавқуллода ва мухтор элчиси Цзнь Янь хоним имзолади.

Конгресс ҳолдаги тадбирдан сўнг Шанхай ҳамкорлик ташкилотига аъзо давлатлар мудофаа вазирлари «Хумо арена»да ташкиллаштирилган Россия Федерацияси, Ҳиндистон, Қирғиз, Тожикистон ҳамда Беларусь Республикалари, Хитой Халқ Республикаси ва Ўзбекистон ҳарбий оркестрлари иштирокидаги «Тинчлик навоси» гала-концертини томоша қилдилар.

Маълумки, Беларусь Республикаси мудофаа вазири бошчилигидаги делегация ушбу йиғилишда кузатувчи сифатида қатнашди. Эслатиб ўтамиз, Беларусь Республикаси Афғонистон, Эрон ва Мўғулистон давлатлари қаторида ташкилотнинг кузатувчи давлатларидан бири ҳисобланади.

Аспор РЎЗИБОЕВ,
«Vatanparvar»



"ArMI – 2022"

**«АРМИ–2022» VIII ХАЛҚАРО АРМИЯ ҲИЙИЛЛАРИ
ДОИРАСИДА ҚЎҚОН ШАҲРИ МЕЗБОНЛИК ҚИЛГАН «ЙЎЛ
ПАТРУЛИ» МУСОБАҚАСИ ҲАМ ЎЗ ЯКУНИГА ЕТДИ. ЖАНГОВАР
ВАЗИЯТЛАРДА ТЎҒРИ ВА АНИҚ ҲАРАКАТЛАНИШ КЎНИКМАСИНИ
ОШИРАДИГАН, ҲАРБИЙ ХИЗМАТЧИЛАРНИНГ ҲАЙДОВЧИЛИК
МАҲОРАТИНИ СИНОВДАН ЎТКАЗАДИГАН «ЙЎЛ ПАТРУЛИ»
МУСОБАҚАСИНИ МАМЛАКАТИМИЗ ИККИНЧИ МАРОТАБА ҲАМ
ЮҚОРИ САВИЯДА ЎТКАЗДИ.**

ВАКИЛЛАРИМИЗДАН



4 кун давом этган мазкур мусобақада Ўзбекистон Республикаси, Россия Федерацияси, Эрон Ислон Республикаси ҳамда Беларусь Республикасининг ҳарбий хизматчиларидан иборат жамоалари баҳс олиб боришди. Жами 2 та боскич, 6 та шарт бўйича ўзаро куч синашган жамоалар, «Индивидуал пойга», «Техник танаффус», «Экстремал тўхташ», «Параллель парковка», «Контравария», «Ҳарбий эстафета» каби шартларни бажарган ҳолда ўзларининг билим ва кўникмаларини амалда намоён қилдилар. Мазкур мусобақа давомида Ўзбекистон Республикаси ҳарбий хизматчиларидан иборат жамоа бирорта шартда устунликни бой бермади ва якунда ҳам биринчи ўринни нақд қилди.

Мусобақанинг ёпилиш маросимидан олдин юртимизга ташриф буюрган иштирокчи давлат вакилларининг маданий ҳордиқ чиқариши учун Қўқон шаҳри бўйлаб экскурсия уюштирилди. Дастлаб, меҳмонлар Риштон туманида жойлашган «Мингбоши керамик» оилавий корхонасига ташриф буюриб, у ердаги миллий урф-одат, анъана ва қадриятларимизни ўз ичига олган декорациялар, хунармандчилик ҳамда заргарона нақш берилган кулолчилик буюмларини томоша қилди. Сўнгра меҳмон давлат вакиллари Қўқон шаҳрида жойлашган XIX асрга оид «Худоёр-



хон ўрдаси» тарихий обидасини кўздан кечирди. Шунингдек, меҳмонларнинг бўш вақтларини мазмунли ўтказиш учун спортниг волейбол, баскетбол, арқон тортиш каби турлари бўйича мусобақалар ҳам ўтказилди. Мазкур турнирлар дўстона руҳда ўтгани билан аҳамиятли бўлди. Якунда эса мусобақада қатнашган жамоа аъзолари бир-бири билан эсдалик учун суратга тушишди.

Ва ниҳоят, ҳунармандлар шаҳри бўлмиш Қўқонда VIII Халқаро армия ўйинлари доирасида ўтказилган «Йўл патрули» мусобақасининг тантанали ёпилиш маросими ўтказилди. Унда мудофаа вазирининг ўринбосари полковник Алишер Норбоев, иштирокчи давлатлар масъуллари, давлат ва жамоат ташкилотлари вакиллари, Мудофаа вазирлиги ҳузуридаги Жамоатчилик кенгаши аъзолари, фахрийлар ва ёшлар, журналистлар ва блогерлар иштирок этди. Маросимда сўзга чиққанлар мусобақа қизиқарли, дўстона ва қизғин баҳсларга бой тарзда ўтганини таъкидлаб, барча шартларда ўзининг маҳоратини кўрсатган иштирокчи-

ларга миннатдорлик билдиришди. Шундан сўнг саҳнага мусобақада ғолиб ва совриндор дея топилган жамоалар бирин-кетин таклиф этилди. Ушбу мусобақада учинчи ўринни қўлга киритган Эрон Ислмо Республикаси ҳамда Беларусь Республикаси жамоаси аъзоларига бронза, иккинчи ўринни қўлга киритган Россия Федерацияси жамоасига кумуш медаллар тантанали равишда топширилди. Яқунда барча жабҳаларда устунликни қўлдан бой бермаган, мусобақанинг мутлақ ғолиби дея топилган Ўзбекистон Республикаси жамоаси аъзолари олтин медаллар билан тақдирланишди. Шундан сўнг юртимиз вакиллари Халқаро армия ўйинлари кубоги ҳамда мусобақа бош соврини «Chevrolet Gentra» автомашинасининг калити тантанали тарзда топширилди. Шунини алоҳида таъкидлаб ўтиш лозим, ушбу мусобақада юртимиз шарафини ҳимоя қилган катта лейтенант Жамолиддин Эгамбердиев ҳамда кичик сержант Музаффар Тўлабоев «Энг яхши техник

ДАСТЛАБКИ ОЛТИН МЕДАЛЛАР

ёрдамчи» номинациясида ғолиб бўлдилар. III даражали сержант Сиддиқ Аъзамов эса «Экстремал ҳайдовчи» ҳамда «Универсал мутахассис» номинациялари бўйича тенгсиз дея эътироф этилди.

**Шерзод ЭГАМБЕРДИЕВ,
«Vatanparvar»**



6 ТА РЕКОРД

БИЛАН
ҒАЛАБА
САРИ

Аввал хабар берганимиздек, Марказий ҳарбий округнинг «Фориш» полигониди бошланган Халқаро армия ўйинларининг «Қуролсоз уста» мусобақасининг бир нечта босқичи муваффақиятли ўтди. Ана шу биргина жумла замирида қанчадан-қанча ҳарбий хизматчиларнинг қатъий тартибдаги интизомли меҳнати, қатъияти, унинг ҳосилини қўришдаги ифтихори ётибди. Энг муҳими, ғалабаларда халқимизнинг фахру гурури, армиямизга бўлган мустақкам ишончи мужассам.

ган мусобақада Россия Федерацияси терма жамоаси томонидан ўрнатилган 2 дақиқаю 45 сония рекордни жорий йилда 1 дақиқаю 58 сония натижа билан янгилашга муваффақ бўлди.

– Биз рекордларни кўпайтиравемиз, нима деб мақтанишни билмай қолгунларингизча! – ҳазилнамо ваъда беради мусобақа иштирокчилари.

Навбатдаги БМ-21 МК реактив артиллерия қурилмасини таъмирлаш босқичида мусобақа иштирокчиларининг хатти-ҳаракатларини баҳо-

ўрнатилган 11 дақиқаю 10 сония рекордни 1 дақиқаю 57 сонияга янгилади.

«Ўқотар қуроллар биатлони. Эстафета»сида эса терма жамоамиз 43 дақиқаю 37 сония натижа билан биринчи, Россия Федерацияси терма жамоаси 49 дақиқаю 7 сония натижа билан иккинчи ўринни эгаллади. Капитан Равшанжон Маждов эса «БЕРЕТ-ТА» пистолетидан аниқликка ўқ отиш бўйича 47 балл тўплаб, «Энг илғор пистолетчи» номинациясида ғолиб бў-



Муаллиф суратга олган

Шундай қилиб, ўтган кунлар мобайнида ЗУ-23-2 зенит қурилмасини, БМ-21 МК реактив артиллерия қурилмасини таъмирлаш, «Ўқотар қуроллар биатлони. Эстафета» каби мусобақалар ўтказилди. Уларда бир вақтнинг ўзида Ўзбекистон Республикаси Мудофаа вазирлиги ҳамда Россия Федерациясининг терма жамоалари беллашдилар.

Мусобақанинг 2-босқичи ЗУ-23-2 зенит қурилмасини таъмирлаш (1-босқич ҳақида газетамизнинг ўтган сониди тўхталгандик) натижаларига кўра, Ўзбекистон Республикаси Мудофаа вазирлиги терма

жамоаси 23 дақиқаю 3 сония билан биринчи, Россия Федерацияси вакиллари 27 дақиқа кўрсаткич билан иккинчи ўринни эгаллади. Шу орқали терма жамоамиз 2021 йили Эрон Ислом Республикасида бўлиб ўтган мусобақаларда Эрон Ислом Республикаси жамоаси томонидан ўрнатилган 28 дақиқаю 6 сония рекордини янгилади.

Шунингдек, III даражали сержант Сардорбек Мирзамаҳмудов энг илғор артиллерия танк қурол-аслаҳаларини таъмирлаш бўлинмаси ҳайдовчиси номинациясида ғолиб бўлиб, 2021 йили Эрон Ислом Республикасида ўтказил-

лашдаги шаффофликни мудофаа вазирининг ўринбосари полковник Алишер Норбоев кузатиб борди. Ҳарбий хизматчилар вазир ўринбосарининг бир кун аввал берган йўл-йўриқларини эслаб, қўллаб-қувватлаши ва руҳлантиришини ҳис қилиб туришди.

Натижада Ўзбекистон Республикаси Мудофаа вазирлиги терма жамоаси 9 дақиқаю 13 сония натижа билан биринчи, Россия Федерацияси терма жамоаси 13 дақиқаю 46 сония натижа билан иккинчи ўринни эгаллашди. Шу орқали терма жамоамиз 2021 йили Эрон Ислом Республикасида

лиш баробарида 2021 йили Эрон Ислом Республикасида ўтказилган мусобақада Эрон терма жамоаси вакиллари томонидан ўрнатилган 44 баллик рекордни 3 балга янгилади.

Шундай қилиб, «Қуролсоз уста» терма жамоаси бугунга қадар тўрт босқичли мусобақанинг барчасида биринчи ўринни эгаллаб, олти рекорд ўрнатишга муваффақ бўлди.

Сўнги босқичда ҳам улардан фақат ғалаба кутиб қоламиз!

Капитан Азиз НОРҚУЛОВ,
«Vatanparvar»



"ArMI – 2022"

ЖАМОАМИЗДА ЯНА БИР ОЛТИН МЕДАЛЬ



Leytenant Olabek NORBOYEV

«Фориш» тоғ полигони ҳозир тамоман ўзгариб кетган. Яшил, анвойи чечаклар, райхонлар, дарахтлар, шаҳарда минг йилда ҳам кўрмайдиган турли-туман сайроқи қушчалар. Ҳатто Амударё вўйларида кўрилгани айтилаётган, йўқолиб кетиш арафасида турганлиги учун «Қизил китов»га киритилган ноёб қора каптарни ҳам учратдим. Ёзнинг сўнгги ойи иккинчи ярмида бу ерлар одатдагидан гавжумроқ бўлди. Хабарингиз бор, «Фориш» тоғ полигонидан Халқаро армия ўйинларининг «Дала ошхонаси» мусобақаси ҳам бўлиб ўтмоқда. Бешта давлат армиясининг маҳоратли ҳарбий ошпазлари куч синашмоқдалар.

Мусобақа шаҳарчасида августнинг бор тароватини кўришингиз мумкин: сокин, сап-сарик дасторгуллар, райхонлар. Қумриларнинг «му-ку-ку»лаши олис болалик ошёнларини ёдга солиди. Ҳавода ҳам офтоб, дашт ўт-ўланлари, тупроқнинг уйғун форлари сузиб юргандек. Ватан, она тупроқ, она юртнинг кадрдон ифори.

Шундай муҳитда Ўзбекистон жамоаси кимгадир мағлуб бўлиши мумкинми? Асло мумкин эмас!

Ҳарбий ошпазларимиз мусобақанинг илк кунлариданоқ барчадан устун эканликларини амалда кўрсатдилар. «Дала ошхонаси» мусобақаси уч босқичда бўлиб ўтмоқда. Иккинчи ва учинчи босқич беллашувлари учун олти кун ажратилди. Биринчи босқичда ўқ отишдан жанговар тайёргарликларини намоиш этган бўлсалар, иккинчи босқичдан бошлаб ошпазлик, қандолатчи ошпазлик, новвойлик бобида ўз маҳоратларини кўрсатдилар.

Таъкидлаш жоизки, Халқаро армия ўйинлари йилдан йилга такомиллашиб, жуғрофияси ҳам кенгайиб бормоқда. «Дала ошхонаси» мусобақасида бу йил қандолат маҳсулотлари тайёрлаш илк марта йўлга қўйилди. Тасаввур қилинг: дала шароитида қандолат маҳсулотлари тайёрлаш. Қандолатчи ошпаз қандай шароитда ишлашини биласиз-ку. Ҳарбий ошпазларимиз бундай нозик ишни удалай олармиканлар?!

Удалашди! Қандай қилиб? Бу ҳақда газетамизнинг кейинги сонларида батафсил ёритиш ниятимиз бор.

Бу мусобақанинг иккинчи босқич шартларидан. Бир кузатувчи сифатида кўнглимдан кечгани шундай бўлди: «Осон экан!»

Сиз ҳам менга ўхшаб шундай ўйласангиз, қаттиқ янглишасиз. Айнан бугунги шарт натижалари муваффақиятнинг асоси бўлиши мумкин. Қандай қилиб? Ҳали олдинда яна бир нечта шартлар бор?

Уста ошпаз III даражали сержант Маъмурбек Мамарасуловнинг айтишига қараганда, айнан шу шартнинг бажарилиши ҳакамлар томонидан жуда синчиклаб ўрганилар экан. Таомнинг кўриниши, ҳиди, масалликлар уйғунлиги, фойдалилик хусусиятлари, таъми ва яна бир қатор талаблар... Даставвал таом учун кўйилган баҳоларингиз арзимаган хато туфайли камайиб бориши, ҳатто барча баҳоларингиздан айрилиб, қарз бўлиб қолишингиз мумкин экан!

Бу беллашувни кузатишнинг ўзиёқ мароқли. Қуни кеча жанговарликда куч синашган азаматлар бугун бутунлай бошқа бир йўналишда ўзларини намоён этдилар. Вьетнамлик ҳарбий ошпазларнинг хатти-ҳаракатларини кузатар эканман, бугун улоқ шуларда кетса керак, деган хаёлга борганим рост. Беларусларнинг чаққонлигини айтмайсизми? Россияликларнинг ҳар доимгидай ўзларига ишончи баланд. Тожикистон жамоасининг ҳам руҳи титик. Шунга қарамай юртдошларимизга ишонаман. Бироқ мусобақада қутилмаган ҳолатлар ҳам бисёр.

Ўзбекистон жамоаси тўққиз кишидан иборат: ошпазлар таркиби – III даража-

ли сержант Маъмурбек Мамарасулов, кичик сержант Жамшид Қўқонов, контракт бўйича ҳарбий хизматчи, оддий аскар Илёс Ғайбуллаев. Новвойлар таркиби – кичик сержантлар Давлат Ҳасанов, Темур Раҳимов, контракт бўйича ҳарбий хизматчи, оддий аскар Бахтишод Мейлиев. Техниклар таркиби – кичик сержантлар Беҳзод Каримов, Шерзод Мелиқўзиев, Нодир Жўраев.

Ана шу тўққиз азамат бешта давлат ҳарбий ошпазлари мусобақасида етакчиликни қўлдан бермай, ўзбек ҳарбий ошпазлари тенгсиз эканлигини кўрсатдилар.

Кўнглингизга келмасинки, мазкур мусобақанинг юртимизда ўтказилиши юртдошларимизга қайсидир маънода энгиллик бергандир? Йўқ! Мусобақалар шаффоф тарзда ўтди.

– Ҳакамлар учун тайёрланган столлар улар кирмасдан аввал ҳеч қандай

ишларида уларнинг олдида ўртамиёнадан ҳам паст даражада эканлигини билдим. Айниқса, энг сўнгги шарт: торт ва пирожнийлар тайёрлашда таққослашдан уялдим, ҳатто.

Азиз ўқувчи, буларни тайёрлаш учун махсус курсларда ўқиш лозимлигини яхши биласиз. Жамоа аъзоларининг ҳеч бири махсус курсларда таълим олмаган. Шундай бўлса-да, уриниб кўришди. Улар қандолат устасидан сабоқ олмоқчи бўлдилар. Дала шароитини кўрган устанинг капалаги учиб кетгани рост. Ва ўша заҳоти бу шароитда ўргата олмаслигини айтиб, рад этди уста...

Тафсилотларни кейинга қолдираман. Интиқиб кутганимиз, ниҳоят, сўнгги натижалар: Ўзбекистон ҳарбий ошпазлари 2438,6 балл тўплаб, Халқаро армия ўйинларининг «Дала ошхонаси» мусобақасида ғолиб бўлдилар!



давлат белгиларисиз шунчаки рақамланади, – дейди бош ҳакам подполковник Санъатжон Ҳошимов. – Ҳар бир кўйилган баҳо ҳакам томонидан изоҳлаб берилди. Биргина таъм борасида индивидуал ёндашилди, деб ўйлайман. Чунки таъм борасида таъбларимиз фарқлидир. Адолат асосий таянчимиз тамойили билан баҳоладик.

Мен турли таомлар тайёрлашни ёқтираман. Шу сабаб ошпазларнинг ҳар бир қилган ишларини кузатар эканман, ихтиёрсиз ўзимни улар билан таққослаб кўрдим. Ва мен ошхона

Навбатдаги ўринлар қуйидагича қайд этилди:

- 2-ўринни Россия жамоаси – 2377,4 балл;
- 3-ўринни Беларусь ва Вьетнам жамоалари – 2210,7 балл;
- 4-ўринни Тожикистон жамоаси – 1526 балл.

Ҳарбий ошпазларимиз Ўзбекистон жамоаси тенгсиз эканлигини исботладилар.

Инобат ИБРОҲИМОВА,
«Vatanparvar»



«ХАВФСИЗ МУҲИТ»ДА МАҲОРАТ СИНОВИ



Марказий ҳарбий округнинг «Сазаган» дала-ўқув майдонида «АрМИ – 2022» Халқаро армия ўйинларининг «Хавфсиз муҳит» мусобақаси баҳслари ҳам муросасиз ўтмоқда. Ғолиблик учун Ўзбекистон, Россия, Беларусь, Хитой, Вьетнам ҳамда Эрон давлатларининг терма жамоалари баҳсларга киришган. Мусобақа жараёнлари «Якка тартибдаги пойга», «Отиш тайёргарлиги», «Эстафета» каби босқичларда иштирокчиларнинг тезлик, матонат ва маҳоратларини синовдан ўтказмоқда.

«Якка тартибдаги пойга» баҳслари аввалида мезбон давлат ҳарбий хизматчилари томонидан тўсиқли йўлаклардан ўтиш қоидалари кўргазмали намоиш этилди. Умумий машғулот жараёнларида барча давлат жамоалари ўзларига бириктирилган зирҳли машиналарда ҳаракатни амалга ошириб, жой рельефи билан танишди. Жисмоний ва руҳий ҳолатни синовдан ўтказувчи тўсиқларни мукамал ўзлаштириш учун етарлича вақт белгиланган.

Қайси жамоа қачон старт олишига аниқлик киритиш учун ҳакамлар ҳар бир жамоа раҳбарияти ҳамда матбуот хизмати ходимлари иштирокида куръа ташланди. Мақсад аниқ, жамоалар шай, мусобақа йўлаги тайёр ва биринчи босқич учун старт байроғи хилпиради.

Шиддат билан старт олган жамоалар «Пойга йўлаги» бўйлаб жанговар

техникаларда турли манёврларни амалга ошириб, жанг майдонида талаб этиладиган тезлик ва маҳоратларини намоиш этишди. Жангда ўқотар курол бир ёки бир нечта инсонга зарар етказиши мумкин, аммо зарарли моддалар қўлланилиши оммавий қиргинга сабаб бўлади. Бунинг олдини олишда эса кимёвий биологик муҳофаза қўшинлари хизматига эҳтиёж сезилади.

Шундай экан, жамоалардан зарарланган ҳудуддан ўтиш жараёнида намуналар олиб, қандай зарарловчи модда қўлланилганини аниқлашлари талаб этилди. Бу эса ҳарбий хизматчидан нафақат жисмоний тайёргарлик, балки соҳа бўйича назарий ва амалий билимлар мустаҳкам бўлишини талаб қилади.

Олдиндаги «Оловли ишғол» йўлагида ҳам иштирокчиларни бир-биридан қийин тўсиқлар кутиб турибди. Жанг майдонида яқин муҳит яратилган ҳудуд бўйлаб тикланган тўсиқлардан ишончли ҳаракат билан ўтган жамоамиз вакиллари илк босқичнинг ғолибига айландилар.

Натижаларга кўра, 1-ўринни (14 дақиқаю 52 сония) Ўзбекистон терма жамоаси вакиллари эгаллаган бўлса, 2-ўрин (21 дақиқаю 11 сония) Россия Федерацияси, 3-ўрин (23 дақиқаю 40 сония) Беларусь Республикаси, 4-ўрин (24 дақиқаю 24 сония) Вьетнам, 5-ўрин (26 дақиқаю 17 сония) Хитой, 6-ўрин (30 дақиқаю 13 сония) Эрон Исломи Республикасига насиб этди.

Икки кунлик мукамал тайёргарлик машғулотларини ўтаган жамоалар навбатдаги «Отиш тайёргарлиги» майдончасида саф тортди. Унчалик катта бўлмаган ҳудудни ўз ичига олган мусобақа майдонини босиб ўтиш кўрингани каби содда иш эмас. Катта тезликда турли тўсиқларни ошиб ўтиб, нафасни ростламасдан, устига-устак газниқоб кийиб, АКС 74 қуролидан

белгиланган нишонларни тик турган, ўтирган ва ётган ҳолда яқсон қилиш ҳамда қўл гранатасини майдончага аниқ улоқтириш учун ҳарбий хизматчи узоқ йиллар машқларда тобланган бўлиши керак.

Муросасиз баҳсларда Ўзбекистон терма жамоаси вакиллари ана шундай тобланганлик даражасини яна бир бор намоён этди. Ғалабали юришда давом этган ўғлонларимиз барча иштирок-

муқаддас қадамжолари билан таништириш мақсадида иштирокчи жамоалар билан Самарқанд шаҳрига саёҳат Улуғбек расадхонасидан бошланди. Бобокалонимиз ҳақида музей ходимлари томонидан берилган маълумотларни барча бирдек қизиқиш билан тинглади. Меҳмонларнинг аксари осмон тоқига илк нарвон қўйган Мирзо Улуғбек ҳақида билишларини айтдилар. Кейинги манзил Ҳазрати Дониёр зиёратгоҳи бўлди. Шунингдек, Гўри Амир мақбараси, Бибиҳоним жоме масжидлари меҳмонлар диққатини ўзига тортди. Айниқса, дунёнинг тарихий меъморчилигида муҳим аҳамият касб этадиган Регистон майдонининг маҳобати ва инжа гўзаллиги барчанинг ҳайратига сабаб бўлди. Манзилда Амир Темурнинг қудрати ва заковати ҳақида суҳбатлар қилинди.

Мамлакат бозорларининг тўкинлиги халқ фаровонлигининг намунасидир. Сиёб бозори нафақат Самарқанд шаҳри, балки Ўзбекистон ва Марказий Осиёнинг энг қадимий ва йирик бозори ҳисобланади. Шу сабаб меҳмонлар ушбу бозор бўйлаб сайр қилиб, яқинлари учун миллийлигимизни акс эттирувчи совға-саломлар харид қилдилар. Саёҳатдан меҳмонлар юқори кайфият, улкан таассурот ва ўзлари учун бир олам янги маълумотлар билан қайтдилар.

Ана шундай юқори кайфиятда «Хавфсиз муҳит» мусобақасининг якуний – «Эстафета» босқичига тайёргарлик жараёнлари авжида. Биз эса жамоамиз вакиллари олдандаги ҳал қилувчи баҳсда ҳам куч-қувват тилаб, энг юқори натижаларни кутиб қоламиз.

Лейтенант Акбар КАМОЛОВ



чи жамоаларни йирик ҳисобда ортда қолдирдилар.

«Отиш тайёргарлиги» босқичи натижалари қуйидагича: Ўзбекистон (1-экипаж 7 дақиқаю 22 сония, 2-экипаж 10 дақиқаю 42 сония) биринчи, Хитой (1-экипаж 26 дақиқаю 55 сония, 2-экипаж 19 дақиқаю 2 сония) иккинчи, Беларусь (1-экипаж 20 дақиқаю 44 сония, 2-экипаж 24 дақиқаю 50 сония) учинчи, Вьетнам (1-экипаж 24 дақиқаю 9 сония, 2-экипаж 23 дақиқаю 55 сония) тўртинчи, Россия (1-экипаж 19 дақиқаю 44 сония, 2-экипаж 28 дақиқаю 23 сония) бешинчи, Эрон (1-экипаж 30 дақиқаю 33 сония, 2-экипаж 27 дақиқаю 37 сония) олтинчи ўрин.

Беллашулардаги руҳий зўриқишларни бартараф этиш ҳамда меҳмон давлат вакиллари Ўзбекистоннинг





ЎЗБЕКИСТОН ЖАМОАЛАРИНИНГ ДАДИЛ ОДИМЛАРИ

Мана, бир неча кундирки, Ўзбекистон жамоалари Халқаро армия ўйинлари майдонларида муттасил кураш олиб бориб, мамлакат номини оламга дoston қилмоқда. Чунки мусобақага катта тайёргарлик ҳамда улкан мақсадлар билан йўл олинган ва бу масъулиятни мард ўғлонларимиз шараф билан уддаламоқда. Бунини вакилларимизнинг ғалабали юришларида, тобора ортиб бораётган рекорд кўрсаткичларимизда ҳам кўришимиз мумкин.

«ТАНК БИАТЛОНИ»

Москва вилоятининг «Алабино» полигонида «Танк биатлони» мусобақасининг ярим финал биринчи гуруҳ беллашувлари бўлиб ўтди. Унда вакилларимиз Россия, Беларусь, Мўғулистон жамоалари билан бир гуруҳдан жой олиб, финал йўлланмаси учун кураш олиб борди.

Юртдошларимиз ўрин олган гуруҳда натижалар куйидагича кўриниш ҳосил қилди:

Россия – 1 соат 29 дақиқаю 59 сония;
Беларусь – 1 соат 39 дақиқаю 29 сонияда;

Ўзбекистон – 1 соат 53 дақиқаю 39 сония;

Мўғулистон – 2 соат 4 дақиқаю 39 сония.

Шунингдек, ярим финалнинг иккинчи гуруҳ баҳслари ҳам ўз ниҳоясига етди. Унда Хитой, Озарбайжон, Вьетнам ва Қозоғистон вакиллари

ўзаро беллашди. Натижалар эса куйидагича:

Хитой – 1 соат 51 дақиқаю 57 сония;
Озарбайжон – 1 соат 57 дақиқаю 39 сонияда;

Вьетнам – 2 соат 10 дақиқаю 1 сония;

Қозоғистон – 1 соат 54 дақиқаю 53 сония.

Мусобақа низомига кўра, ярим финалда ҳар иккала гуруҳ ичидан энг яхши натижа кўрсатган 4 та иштирокчи жамоа финалга йўл олади. Энг қувонарлиси, ўша жамоалар номи аниқ бўлди ва Россия, Беларусь, Хитой ҳамда Ўзбекистон финалга йўл олди.

Эслатиб ўтамоғимиз, «Танк биатлони» жамоамиз 2019 йили мазкур мусобақада илк бор иштирок этиб, фахрли 1-ўринни қўлга киритган эди. Бу йил эса танкчиларимиз чинакам матонат кўрсатиб, мусобақанинг финал босқичи иштирокчисига ҳам айланди. Полковник Жума Аташев бошчилигидаги

йигитларимизга 27 август куни бўлиб ўтадиган финал баҳсида ҳам омад ёр бўлишини тилаймиз.

«МУҲАНДИС ФОРМУЛАСИ»

Россиянинг Волгоград вилоятида Халқаро армия ўйинлари доирасида ўтказилаётган «Муҳандис формуласи» мусобақаси ўз якунига етди. Унда Ўзбекистон шарафини ҳимоя қилган ҳарбий хизматчилар умумжамоа ҳисобида 2-ўринни қўлга киритди.

Таъкидлаш керакки, мусобақанинг «Котлован қазиш» шарида жамоамиз «Котлован қазиш учун энг яхши машина экипажи» номинациясида тенгсиз деб топилди.

Мазкур мусобақада биринчилик учун, шунингдек, Россия, Беларусь ва Лаос жамоалари ҳам кураш олиб борди. Арманистон эса алоҳида номинацияда қатнашди.

«ДЕСАНТ ВЗВОДИ»

Жазоир Халқ Демократик Республикасида бўлиб ўтаётган «Десант взводи» мусобақаси ҳам чинакам синов майдонига айланди. Унда иштирок этаётган юртимиз вакиллари навбатдаги 4-босқичнинг «Тўсиқ йўлагидан ўтиш», «Ўқотар қурол ва гранатомётдан ўқ отиш», «Гуруҳлар эстафетаси» сингари шартлардан муваффақиятли ўтди. Эътиборлиси, ҳарбий хизматчиларимиз 1 соат 11 дақиқаю 54 сонияда барча шартларни бажариб, пешқадамлар сафида бормоқда.

«ҲАРБИЙ-ТИББИЙ ЭСТАФЕТА»

Россия Федерацияси Санкт-Петербург шаҳрида ўтказилган «Ҳарбий-тиббий эстафета» мусобақаси 23 август куни ўз якунига етди.

"ArMI – 2022"



Дунёнинг жами 15 та давлати жамоалари ўзаро беллашган баҳсларда ўзбекистонлик ҳарбий тиббиётчилар фахрли 2-ўринни қўлга киритди.

Мазкур йўналишдаги беллашувларда эркаклар ва аёллардан иборат жамоамиз рақибларига қараганда анча кучли, маҳоратли ва сабр-бардошли эканига нафақат биз, балки иштирокчи давлатлардан келганлар ҳам гувоҳ бўлишди. Чунки ҳар бир шартда вакилларимизнинг ҳаракатлари алоҳида ажралиб, улар бажараётган элементлар барчанинг диққат марказида турар эди. Мусобақа низомига кўра, эркаклар ва аёллардан иборат ҳар бир жамоа таркибидан ўрин олган шифокорлар, ўрта тиббиёт ходимлари ва ҳайдовчилар – жами 4 шарт: отиш тайёргарлиги, ягона тўсиқлардан ўтиш, махсус тайёргарлик (жанг майдонидан шартли ярадорни олиб чиқиб, унга тез тиббий ёрдам кўрсатиш) ҳамда жамоавий биринчилик бўйича куч синашди.

Шунингдек, мусобақа доирасида ҳайдовчилар ўртасида махсус тўсиқлардан ўтиш баҳсларида вакилимиз кичик сержант Достон Маҳмудов маҳорат кўрсатиб, «Энг илғор ҳайдовчи» номинациясида ғолибликни қўлга киритиб, олтин медалга эга чиқди. Аёллар ўртасида жамоавий биринчилик шартли бўйича

фаларни ўз ичига олган жами 2 та босқич 16 та шарт бўйича ўтказилмоқда. Улар орасида пиёдалар жанговар машинасини темир йўл платформасига юклаш, душман объектига яширинча усулларда бориш, жанг майдонидан ярадорни олиб чиқиш, найза пичоқ ва белкуракни аниқликка улоқтириш каби қатор шартлар мавжуд. Ўзбекистон жамоаси «Қўшинлар разведкаси аълочиси» мусобақасининг 1-босқичининг сўнги 5 та шартли якуни бўйича битта рекорд натижани қайд этишга муваффақ бўлди, яъни гуруҳ таркибида найза пичоқ ва белкуракни аниқликка улоқтириш – 83 балл (ўтган йилги рекорд натижаси 74 балл бўл-



ўтказилган баҳсларда жамоамиз 12 дақиқаю 38 сония кўрсаткич билан фахрли 2-ўринни қўлга киритди. Мусобақанинг сўнги – ҳал қилувчи шартининг эркаклар ўртасидаги беллашувларида йигитларимиз 9 дақиқаю 8 сония вақт билан маррага етиб келди ва шарт якунига кўра, 2-ўринни эгаллашди. Энг қизиғи, аёллар баҳсида қизларимиз кўрсатган натижани мезбон давлат вакилларида ташқари бошқа иштирокчи давлатларнинг на эркаклар, на аёллар жамоалари такрорлай олмади. Шундай қилиб, мусобақанинг якуний натижалари эълон қилинди. Унга кўра, 3-ўринга Вьетнам ва Беларусь жамоалари лойиқ кўрилган бўлса, 2-ўринни Ўзбекистон жамоаси ва 1-ўринни мезбон давлат вакиллари қўлга киритди.

ган). Мазкур босқич якунига кўра, Ўзбекистон жамоаси 2-ўринда кетмоқда.

«МЕРГАНЛАР МАРРАСИ»

Венесуэлада ўтказилаётган «Мерганлар марраси» мусобақасида ҳам Ўзбекистон, Россия, Беларусь, Боливия, Мьянма, Абхазия, Венесуэла жамоалари муросасиз кураш олиб бормоқда. Беллашувнинг бир-бирдан мураккаб шартларини бажаришда юртдошларимиз кетма-кет 4 та рекорд натижани қайд этди. Мусобақанинг навбатдаги босқичида жамоамиз вакиллари нафақат яхши натижа кўрсатди, балки икки нафар вакилимиз номинациялар бўйича ғолиб бўлди.

7 та давлат ҳарбийлари ўртасида ўтаётган беллашувнинг 2-босқичида йигитларимиз барча жамоани орта қолдириб, 1-ўринни эгаллашди. Шунингдек, ушбу босқич натижаларига кўра, «Энг илғор жуфтлик» номинациясида ҳамюртларимиз капитанлар – Мансур Шомуратов ва Улуғбек Ғаффоров жуфтлиги фахрли 1-ўринни эгаллади.

«ОТЛИҚ МАРАФОН»

Россия Федерацияси Тува Республикасида ҳамда Мўғулистонда бўлиб ўтган «Отлиқ марафон» мусобақаси ҳам ўз ниҳоясига етди. Унда жамоалар «Узоқ масофага отлиқ марафон уюштириш» ва «Аралаш эстафета» шартлари бўйича ўзаро беллашди.


Энг кучли жамоалар беллашган ушбу мусобақада иштирокчилар 2-босқичда ўзаро куч синашди. Мусобақанинг 1-босқичида жамоалар «Узоқ масофага от марафони» шартини бажаришди.



«ҚЎШИНЛАР РАЗВЕДКАСИ АЪЛОЧИСИ»

Халқаро армия ўйинлари доирасида Россиянинг Новосибирск шаҳрида ўтказилаётган «Қўшинлар разведкаси аълочиси» мусобақасининг 1-босқичи якунланди.

«Қўшинлар разведкаси аълочиси» мусобақаси турли вази-



2-босқичда эса «Қисқа масофага аралаш эстафета» шarti бўйича бахс олиб борилди.

Азамат йигитларимиз «Отлиқ марафон» мусобақасида қайд этилган натижаларга кўра, фахрли 2-ўринни қўлга киритди. 1-ўрин мезбон давлат – Мўғулистон жамоасига насиб этган бўлса, 3-ўринни зимбабвелик ҳарбий хизматчилар банд этишди.

«ҚУТБ ЮЛДУЗИ»

Беларусь Республикасида ўтказилаётган «Қутб юлдузи» мусобақасининг 3-босқичи якунланди. Унда Ўзбекистон, Россия, Беларусь, Эрон, Судан ва Венесуэла ҳарбий хизматчилари ўзаро куч синашди.

Хабарингиз бор, Ўзбекистон Мудофаа вазирлиги жамоаси ушбу мусобақада иккинчи бор иштирок этмоқда. Ўтган йили мазкур йўналишда вакилларимиз 2-ўринни қўлга киритган эди. Ўзбекистон жамоаси Брестдаги «Мухавец» полигони ўқув базасида бўлиб ўтаётган мусобақа беллашувларида фаол иштирок этмоқда. Беллашувнинг 3-босқич якуний натижаларига кўра, Ўзбекистон ҳарбийлари 2-ўринни қўлга киритди. Мусобақалар давом этмоқда.

«ҲАРБИЙ РАЛЛИ»

Россия Федерацияси ҳамда Мўғулистонда ўтказилган «Ҳарбий ралли» мусобақаси ҳам ўз якунига етди.

Жанговар вазиятларда тўғри ва аниқ ҳаракатланиш кўникмасини оширадиган, ҳарбий хизматчиларнинг ҳайдовчилик маҳоратини синовдан ўтказадиган «Ҳарбий ралли» мусобақасида Ўзбекистон жамоаси бу йил бешинчи бор қатнашди. Бугунги кунгача жами тўртта — «Якка тартибдаги пойга», «Таъқиб қилиш билан пойга», «Отиш» ҳамда «Жамоавий пойга» шартларини ўз ичига олган мусобақада ўзбекистонлик ҳарбийлар муваффақиятли иштирок этиб, фахрли 2-ўринни қўлга киритди.

«АВТОЗИРҲЛИ ТАНК-ТЕХНИКА УСТАСИ»

Россия Федерациясининг Воронеж вилояти Острогжск шаҳрида ўтказилаётган «Автозирҳли танк-техника устаси» мусобақасининг 4-босқичи – «Жамоавий эстафета» беллашувлари ҳам ўз ниҳоясига етди. Бунда Ўзбекистон жамоаси фахрли 3-ўринни қўлга киритди.

«ТАКТИК ЎҚЧИ»

Караганда шаҳрида бўлиб ўтган мусобақада ҳам «Тактик ўқчи»ларимиз умумий ҳисобда 3-ўринни эгаллади.

«МЕРИДИАН»

Қозоғистон Республикасининг «Амандиқ» полигони ўқув базаси мезбонлик қилаётган «Меридиан» мусобақасининг барча шартлари ўз ниҳоясига етди ва бунда Ўзбекистон терма жамоаси 3-ўринни қайд этди.

«ЭЛЬБРУС ҲАЛҚАСИ»

Кабардино-Балкария Республикасининг Терскол ҳудудида VIII Халқаро армия ўйинлари доирасида «Эльбрус ҳалқаси» мусобақаси бўлиб ўтмоқда. Унда Ўзбекистон, Арманистон, Абхазия, Россия, Хитой, Ҳиндистон, Қозоғистон, Уганда ва Жанубий Осетия вакиллари беллашмоқда.

Жамоамиз дастлабки босқичда турли мураккабликдаги вазифаларни ўз ичига олган жами 6 та шартни бажарган эди. 1-босқич якунларига кўра, вакилларимиз яхши натижа кўрсатиб, кучли учликдан ўрин олди.

Галдаги, 2-босқич шартлари ҳам муваффақиятли кечиби, ҳарбий хизматчиларимиз 2-босқичнинг «Музли ҳудуддан ўтиш» шarti бўйича махсус вазифани 11 дақиқаю 31 сонияда бажарди ва ўтган йилги Россия ҳарбий жамоаси томонидан ўрнатилган 11 дақиқаю 37 сония рекорд натижани янгиллади.

Шунингдек, мазкур босқичнинг «Қояли ҳудуддан ўтиш» шartiда ҳам жамоамиз ишончли ҳаракатларни амалга ошириб, сунъий қояда жуфт бўлиб ҳаракатланиш вазифасини 6 дақиқаю 38 сонияда тамомлаб, ўтган йилги му-



собақада Россия ҳарбий вакиллари томонидан ўрнатилган 6 дақиқаю 51 сония рекордни янгиллади. Ушбу рекорд натижа ҳарбий жамоамиз аъзолари кичик сержантлар – Абдумухтор Абдуғаниев ва Исломжон Ўктамов томонидан ўрнатилди.

Мусобақанинг 1- ва 2-босқич якунлари бўйича Ўзбекистон 9 та жамоа ичида 2-ўринни эгаллаб турибди.

Маълумот ўрнида айтиш керакки, ўзбекистонлик ҳарбий хизматчилар ўтган йили «Эльбрус ҳалқаси» мусобақасида мезбон давлатдан кейин фахрли 2-ўринни қўлга киритган эди.

**Катта лейтенант Бобур ЭЛМУРОДОВ,
лейтенант Исломжон ҚҶЧҚОРОВ**



ЎЗБЕКИСТОН РЕСПУБЛИКАСИ

ВАКИЛЛАРИ ЯНГИЛАГАН ВА ЎРНАТГАН РЕКОРДЛАР



«МЕРГАНЛАР МАРРАСИ»

Кичик сержант Шохрух Масобиров «Мўлжалга олиш нуқтасини ўзгартириб олиш» машқини 7.65 сонияга бажарди ва рекорд натижани янгиллади. 2021 йил жамоамиз вакили кичик сержант Ф.И. Киргизов томонидан 15.52 сония натижа кўрсатилган эди.



«ҚУРОЛСОЗ УСТА»

II даражали сержант Бектош Омонов «Энг илғор артиллерия қурол-аслаҳаларини таъмирлаш бўлинмаси ҳайдовчиси» номинацияси ғолиби бўлиб, 2 дақиқаю 11 сония билан рекорд натижани янгиллади. 2021 йили Эрон Ислом Республикаси жамоаси вакили томонидан 2 дақиқаю 52 сония натижа кўрсатилган эди.



«МЕРГАНЛАР МАРРАСИ»

Капитан Мансур Шомуротов мусобақа шarti бўйича янги киритилган «Ноқулай ҳолатлардан ўқ ўзиш» машқида 36.65 сония натижа билан рекорд ўрнатди.



«СОДИҚ ДЎСТ»

Кичик сержант Ирода Олимова «Дог биатлони: якка тартибда 2 400 метрга югуриш» шartiда 10 дақиқаю 13.8 сония натижа билан рекорд ўрнатди. Охириги рекорд 2021 йилда 12 дақиқаю 27 сония натижа Россия жамоаси томонидан кўрсатилган.



«МЕРГАНЛАР МАРРАСИ»

Кичик сержант Иброҳим Орипов «Мерган ҳужумда» машқини 57.65 сонияга бажариб, рекорд ўрнатди. Охириги рекорд натижани Ўзбекистон жамоаси 61.38 сония вақтда бажарган.



«ҚУРОЛСОЗ УСТА»

III даражали сержант Сардорбек Мирзамаҳмудов «Энг илғор артиллерия танк қурол-аслаҳаларини таъмирлаш бўлинмаси ҳайдовчиси» номинациясида ғолиб бўлиб, 1 дақиқаю 58 сония билан рекорд натижани янгиллади. 2021 йили Россия Федерацияси жамоаси томонидан 2 дақиқаю 45 сония натижа кўрсатилган эди.



«МЕРГАНЛАР МАРРАСИ»

Капитан Улуғбек Ғафоров мусобақа шarti бўйича янги киритилган «Мерган мудофаада» машқини 79.59 сонияга бажариб, рекорд натижа қайд этди.



«ҚУРОЛСОЗ УСТА»

Капитан Равшанжон Маждидов «Пистолетдан аниқликка олиш» беллашувида 47 балл тўплаб, рекорд натижа қайд этди. Охириги рекорд 2021 йили Эрон Ислом Республикаси жамоаси 44 балл натижа кўрсатган эди.



«МЕРИДИАН»

Капитан Атабек Сатимуратов «Моҳир ўқчи» шartiда 41.68 сония натижа билан рекорд ўрнатди. Охириги рекорд 2021 йилда 102 сония натижа кўрсатилган.



«ҚЎШИНЛАР РАЗВЕДКАСИ АЪЛОЧИСИ»

Кичик сержант Раҳим Аллашов «Жароҳатланганга жгут қўйиш ва жанг майдонидан олиб чиқиш» шartини 36 сонияга бажариб, рекорд ўрнатди. Охириги рекорд 2021 йилда 38 сония натижа кўрсатилган.



«ПРОФЕССИОНАЛ МЕРГАН»

Катта лейтенант Маҳмуд Авазов ва кичик сержант Фазлиддин Қирғизов жуфтлиги «Дозор» тунги машини 21.79 сонияда 50 балга бажариб, рекорд натижа ўрнатди. Охири рекорд 2021 йил 26.37 сонияда 50 балл натижа билан Беларусь жамоаси кўрсатган эди. Шунингдек, улар «Лидер» машини 52.90 сонияда 19 балга бажариб, рекордни янгилади. Бу йўналиш бўйича ҳам охири рекордни 2021 йилги 16.51 сонияда 10 балл натижа билан Беларусь жамоаси кўрсатган эди.



«ЭЛЬБРУС ҲАЛҚАСИ»

Кичик сержант Абдумухтор Абдуғаниев ва кичик сержант Исламжон Ўктамов «Сунъий қояга жуфтликда кўтарилиш» махсус вазифасини 6 дақиқаю 38 сонияга бажариб, рекорд натижа ўрнатди. Охири рекорд 2021 йил Россия жамоаси томонидан 6 дақиқаю 51 сония натижа кўрсатилган эди.



«ПРОФЕССИОНАЛ МЕРГАН»

Кичик сержантлар – Азизбек Юнусов ва Соҳиб Раббимов жуфтлиги «Ҳамкорлик» янги машини 122.45 сонияга бажариб, рекорд натижа қайд этди.

«ҚЎШИНЛАР РАЗВЕДКАСИ АЪЛОЧИСИ»

Жамоа таркиби томонидан «Пичоқ ва кичик пиёдалар белкурагини аниқликка олиш» шартини 83 балга бажариб, рекорд натижа ўрнатди. Охири рекорд 2021 йили 63 балл бўлган.

«ҚЎШИНЛАР РАЗВЕДКАСИ АЪЛОЧИСИ»

Жамоа таркиби «Газниқоб кийиш» шартини 2 сонияда бажариб, рекорд ўрнатди. Охири рекорд 2021 йили 2.2 сония натижа кўрсатилган этди.

«ҚУРОЛСОЗ УСТА»

«122 мм Д-30 гаубицасини таъмирлаш» беллашувида терма жамоамиз 19 дақиқаю 58 сония билан рекорд натижани янгилади. 2020 йили Россия Федерацияси жамоаси томонидан 22 дақиқаю 2 сония натижа кўрсатилган эди.

«ЭЛЬБРУС ҲАЛҚАСИ»

Жамоа таркиби «Музли қояга кўтарилиш» махсус вазифасини 11 дақиқаю 31 сонияда бажариб, рекорд натижа ўрнатди. Охири рекорд 2021 йили Россия жамоаси томонидан 11 дақиқаю 37 сония натижа кўрсатилган этди.

«ҚУРОЛСОЗ УСТА»

Жамоа таркиби учинчи босқич «БМ-21 жанговар машинасини таъмирлаш» беллашувида 9 дақиқаю 13 сония натижа билан рекорд ўрнатди. Охири рекорд 2021 йили 11 дақиқаю 10 сония натижа жамоамиз томонидан кўрсатилган эди.

«ҚУРОЛСОЗ УСТА»

«ЗУ-23-2 зенит қурилмасини таъмирлаш» беллашувида терма жамоамиз 23 дақиқаю 3 сония билан рекорд натижани янгилади. 2021 йили Эрон Ислам Республикаси жамоаси томонидан 28 дақиқаю 6 сония натижа кўрсатилган эди.





«СОДИҚ ДЎСТ» ДАН

«АрМИ – 2022» Халқаро армия ўйинлари доирасида Чирчиқ олий танк қўмондонлик-муҳандислик вилим юртида ўтказилган «Содиқ дўст» мусобақаси ўз якунига етди. Ушбу нуфузли беллашувнинг эркеклар ва аёллар ўртасидаги баҳсларида Ўзбекистон жамоаси ишончли ғалабани қўлга киритди.



Мураккаб шартлар мобайнида мезбон жамоа вакиллари мутлақ устунликка эришиб, юқори натижаларни қайд этишди. Хусусан, мусобақанинг «Дог биатлони» шarti бўйича якка тартибда кураш олиб борган юртдошимиз кичик сержант Иродахон Олимова 2 400 метрга югуришда «Гита» лақабли хизмат ити билан 10 дақиқаю 13.8 сония қайд этиб, рекорд натижани ўрнатди.

Эркеклар ўртасида ўтказилган баҳсларда кичик сержант Зухриддин Қўшоқов ҳам «Бест» лақабли ити билан юқоридаги шарт бўйича рекорд ўрнатди – 8 дақиқаю 18 сония. Ушбу шартда ҳарбий кинологлар хизмат итлари билан нафақат индивидуал, балки 4 кишилик пойга талабларини ҳам бажарди. Ушбу шартда иштирок этган ҳарбий хизматчилар ҳар 800 метрдан сўнг отиш маррасида ётган ва тик турган ҳолда ўқ отиш машини бажарди. Пневматик милтиқ ёрдамида 50 метрдаги нишонларни мўлжалга олишда иштирокчилар тезкорлик ва мерганлик маҳоратини ишга солди.

Мусобақага ҳар бир жамоа жиддий тайёргарлик кўрган. Забонсиз жониворлар билан тиллашиб, ғалаба сари дадил интилган мутахассислардан матонат, ирода ва сабр талаб этилди. Шу орқали ҳар бир жамоа юртининг шаънини муносиб ҳимоя қилишга астойдил ҳаракат қилди.

«Ҳимоя-қоровул хизмати» шartiда кинолог мутахассислар ўз хизмат итлари билан яна бир мураккаб синовдан ўтди. Жамоалар хизмат итлари билан ўнга яқин тўсиқларни ўз ичига олган 300 метрлик йўлакдан ўтиш бўйича ўзаро беллашди. Ўзбекистон

Мудофаа вазирлигининг аёллар жамоасидан кичик сержант Маржона Оққўзиёва «Бренда» лақабли ити ҳамроҳлигида барча тўсиқларни чапдастик билан енгиб, 1.17 сониялик рекорд натижа билан юқори бални жамоамизга тақдим этди. Контракт бўйича ҳарбий хизматчи, оддий аскар Қурбонбек Ярашев эса «Драго» лақабли хизмат ити билан барча рақибларини орта қолдирди.

Мусобақанинг мазкур шartiда ҳам 1-ўринни Ўзбекистоннинг эркеклар ва аёллар жамоалари банд этган бўлса, кейинги ўринларни Россия Федерацияси, Беларусь Республикаси ҳамда Жазоир Халқ Демократик Республикаси вакиллари эгаллади.

Шундан сўнг «Дог биатлони (эстафета)» шarti старт олди. Унда 800 метр масофага югуриб келган иштирокчилар бешта нишонни тик ҳамда ётган ҳолда яқсон этишди.

«Содиқ дўст» мусобақасида мамлакатимиз номидан иккита жамоа қатнашиб, уларнинг бири асосий, кейингиси танловдан ташқари тартибда иштирок этди. Шу ўринда асосий жамоамизда ғалабага ҳисса қўшган қаҳрамонларимиз номини қайд этиш ўринлидир. Хусусан, эркеклар





Muallif va kichik serjant Komil ABDURASHIDOV

МУТЛАҚ УСТУНЛИК

жамоасида юқоридаги рекордчиларимиз З. Қўшоқов ва Қ. Ярашев билан бирга III даражали сержант Улуғбек Нуруллаев «Бояр», кичик сержант Содиқ Дилмуродов «Клиф», III даражали сержант Далер Икромов «Арго» лақабли хизмат итлари билан Халқаро армия ўйинларига пухта тайёргарлик кўрганини исботлади. Асосий бўлмаган жамоа таркибида эса кичик сержант Муслимбек Алимов «Стинг», кичик сержант Мирзоҳид Мама-тов «Рон», кичик сержант Ғайрат Арслонов «Весла» лақабли Бельгия овчаркаси зотиға мансуб хизмат итлари билан машқ майдониға тушди.

ГЕНЕРАЛНИНГ АЛҚОВИ

Мусобақаниннг сўнги «Дог биатлон (чемпионлар пойгаси)» шариғада ҳар бир жамоадан яққа тартибда ягона иштирокчи қатнашди. Дастлаб аёллар ўртасида ҳамюртимиз кичик сержант Иродаҳон Олимова «Гита» лақабли хизмат ити билан майдонға тушиб, тенгсиз эканини исботлади ва мутлақ ғолиб бўлди. Ироданиннг ғалаба сериясини эркаклар жамоамиз давом эттирди.

Эркаклар ўртасида кичик сержант Зухриддин Қўшоқов «Бест» лақабли содиқ дўсти билан мусобақаниннг навбатдаги рекордини ўрнатди. Эътиборлиси, 2021 йилги 5 дақиқаю 56 сониялик рекордға ҳам унинг ўзи муаллифлик қилган эди. Жорий йилда эса 5 дақиқаю 25 сониялик натижани қайд этиб, рекордини янгиллади.

Ўзимиз-ку, майли, ҳатто хорижий делегация вакиллари ҳам Зухриддиннинг муваффақиятидан ҳайрату олқишини яшириб ўтирмади. Россия Федерацияси жамоаси гуруҳ каттаси, РФ Мудофаа вазирлиги Қўшинлар хизмати ва ҳарбий хизмат хавфсизлиги бошқармаси бошлиғи генерал-майор Владимир Головачёв кичик сержант З. Қўшоқовни бағриға босиб, самимий табриғини изҳор этди.

Шу тариқа мусобақаниннг мазкур энг охириги шариғада жазоирлик ҳарбий кинолог Абдулқодир Менаври «Иско» лақабли хизмат ити билан иккинчи, Россия жамоасидан кичик сержант Никита Борисов «Гай Фокс» лақабли хизмат ити билан 3-ўринни эгаллади. Кичик сержант Дмитрий Татаринов (Беларусь) эса «Зевс» лақабли хизмат ити билан охириги ўринни банд этди.

Ватанимиз посбонлари қизгин ва шиддатли кечган баҳсларда юртимиз шарафини муносиб ҳимоя қилди ва ушбу халқаро мусобақада Ўзбекистон жамоаси пешқадам бўлиб турибди.



Лейтенант Дилшод РЎЗИҚУЛОВ,
«Vatanparvar»

Tinchlik navosi



Astor ROZIBOYEV



III darajali serjant Olim BERDIYEV

БЕТАКРОР НАВОЛАР



Куй! У дил туғёнларидан яралади ва кўнгил тубидан янграйди. Зеро, кўнгилдан янграган сўзнинг ҳам, сознинг ҳам борар манзили кўнгилдир. Бу куйда шундай синаот борки, инсон руҳий оламига ижобий таъсир кўрсатиб, унинг қалбида янги орзу-ниятлар уйғотади, эзгу амалларга даъват этади, ёшларни она Ватанни севишга, уни асраб-авайлашга ундайди. Шу боис эзгуликни тараннум қилувчи куй-кўшиқлар умрбоқий дея эътироф этилади. Шанхай ҳамкорлик ташкилотига аъзо ҳамда кузатувчи давлатлар ҳарбий оркестрлари ўртасида «Тинчлик навоси» халқаро фестивали доирасида иштирокчи жамоалар томонидан пойтахтимизнинг маданий ва кўнгилочар масканларида ўтказилган концерт дастури ҳам шу жиҳати билан қимматли ва аҳамиятли бўлди. Уч кун давом этган фестивалда Беларусь Республикаси ҳарбий оркестри «Халқлар дўстлиги» санъат саройи майдонида, Россия Федерацияси ҳарбий оркестри Миллатлараро муносабатлар кўмитаси майдонида, Тожикистон Республикаси ҳарбий оркестри «Ашхобод сайилгоҳи»да, Қирғиз Республикаси ҳарбий оркестри «Мегапланет» савдо мажмуасида, Ҳиндистон Респуб-






Bahrom ABDURAHIMOV

ликаси ҳарбий оркестри «Мовий гумбазлар» хиёбонида ҳамда Хитой Халқ Республикаси ҳарбий оркестри Алишер Навоий номидаги давлат академик катта театри майдонида ўз концерт дастурларини намоиш этишди. Фестивалнинг якуний гала-концерти эса «Ҳумо арена» муз саройида бўлиб ўтди. Шу куни минглаб санъат шинавандалари турли халқ куйларидан баҳраманд бўлдилар. Ҳа, мусиқа миллат танламайди. Концертлар давомида янраган, ҳар қандай инсоннинг юрак торларини чертиб юборадиган жозибали оҳанглар каттаю кичик тингловчилар томонида гулдурас олқишлар билан кутиб олинди. Ҳар бир давлат жамоаси ўз чиқишлари орқали Ватан ва ватанпарварликни, мардлик, шижоат ҳамда жасоратни тараннум этишди. Шу билан бирга тингловчиларни жаҳон мумтоз асарлари билан ошно қилишди. Жамоаларнинг эстрада ва жаз мусиқалари, кўргазмали ҳарбий саф репертуарлари ҳам ўзига хослиги билан кўнгиллардан жой олди. Бир сўз билан айтганда, куйларга жо бўлган миллий руҳият ва нафосат каттаю кичик томошабинларни ўзига мафтун қилди.

– Санъат – бетакрор мўъжиза, деб бежиз айтишмайди. У ўзининг мўъжизакор кучи билан барчага завқ улашади. Шунинг учун ҳам яхши куй, ёки қўшиқ эшитсак юрагимиз таскин топади, – дейди суҳбатдошимиз Моҳира Давлатова. – Мен ҳарбий санъаткорларнинг концертдастурларини томоша қилиб, вужудимда ана шундай сурурни, завқни ҳис қилдим. Ҳарбий санъаткорларнинг ижро маҳорати эса эътирофга сазовор.



ОЛАМНИ

ТУТДИ

– Таассуротларим бир олам, – дейди яна бир суҳбатдошимиз Неъмат Баҳодиров. – Концерт давомида ижро этилган қўшиқларни тинглар эканман, кўз ўнгимда беихтиёр Қуролли Кучларнинг куч-қудрати, тинчлик ва осойишталикка қалқон бўлаётган мард ҳамда жасур юрт посбонлари намоён бўлди. Уларга меҳрим, ҳурматим ортди. Тинчликнинг нақадар бебаҳо неъмат эканлигини яна бир бор дилдан ҳис қилдим. Бу неъматни қадрлаш, кўз қорачиғидек асраш керак. Илоҳим, тинчлигимиз абадий бўлсин. Куй-қўшиқлар навоси бугунгидек оламни тутаверсин.



Sherzod SHARIPOV

Майор Гулнора ҲОЖИМУРОВА

Sport

Turkiyaning Konya shahrida V Islom birdamlik o'yinlari o'tkazildi. 57 ta davlatning 4 200 nafardan ortiq sportchisi qatnashgan mazkur musobaqada O'zbekiston delegatsiyasi jami 158 ta medalni qo'lga kiritib, umumjamoa hisobida 2-o'rinni egalladi. Ushbu muvaffaqiyatga Mudofaa vazirligi Oliy sport natijalarini rivojlantirish markazi (MVSM) sportchilari katta ulush qo'shishdi.

Xususan, yurtimiz sportchilari tomonidan qo'lga kiritilgan 51 ta oltin medalning 17 tasiga armiyamiz vakillari erishdi.

Mazkur o'yinlarni o'tkazish taklifi ilk bor 1981-yili BAA shahzodasi Faysal bin Fahd bin Abdulaziz tomonidan ilgari surilgan. Islom birdamlik o'yinlari har 4 yilda bir marotaba o'tkaziladi. Mazkur musobaqani o'tkazish mas'uliyati 57 ta davlat a'zo bo'lgan Islom birdamlik sport federatsiyasiga yuklatilgan.

Islom birdamlik o'yinlari ilk bor 2005-yili Saudiya Arabistonining Makka shahrida bo'lib o'tgan. Eronda o'tishi belgilangan ikkinchi o'yinlar ba'zi sabablarga ko'ra bekor qilingan. III Islom birdamlik o'yinlari 2013-yili Indoneziyaning Palembang shahrida, IV Islom birdamlik o'yinlari esa 2017-yili Ozarbayjonning Boku shahrida o'tkazilgan. To'rt yilda bir marta o'tkazilishi rejalashtirilgan o'yinlarning beshinchisi ham butun dunyo bo'ylab tarqalgan koronavirus pandemiyasi tufayli kechiktirildi. Va nihoyat, joriy yil 9-18 avgust kunlari Turkiyaning Konya shahri V Islom birdamlik o'yinlariga mezbonlik qildi. Unda 57 ta mamlakat sportchilari qatnashib, 483 ta medal shodasi va g'oliblik uchun o'zaro kurash olib borishdi.

Yurtimiz sportchilari ilk marotaba 2017-yilda Ozarbayjon poytaxti Boku shahrida bo'lib o'tgan IV Islom birdamlik o'yinlarida ishtirok etgan va yakunda O'zbekiston umumjamoa hisobida kuchli beshlikdan joy olgandi. Bu galgi natijalar esa yanada yuqoriroq bo'ldi. O'zbekiston ushbu musobaqada 24 ta sport turi bo'yicha 265 nafar sportchi bilan qatnashdi. Yakunda O'zbekiston 51 ta oltin, 42 ta kumush, 65 ta bronza – jami 158 ta medal bilan umumjamoa hisobida 2-o'rinni egalladi. Ushbu muvaffaqiyatga Mudofaa vazirligi Oliy sport natijalarini rivojlantirish markazi vakillari munosib ulush qo'shishdi. MVSM sportchilari V Islom birdamlik o'yinlarining 17 ta oltin, 3 ta kumush, 14 ta bronza, jami 34 ta medalini qo'lga kiritishdi.

Musobaqada davomida sportchilarimiz og'ir atletika, dzyudo, yengil atletika, taekvondo, gimnastika, qilichbozlik kabi turlari bo'yicha salmoqli natija qayd etganini alohida ta'kidlash joiz. Albatta, kikkoksing, suzish, karate, stol tennisi, kamondan otish kabi qolgan sport turlarida ham o'ziga yarasha yuqori natijalar qayd etilib, qimmatli medallar qo'lga kiritildi. Garchi bronza medali uchun kechgan bellashuvlarda gandbol va basketbol 3x3 bo'yicha jamoalarimiz imkoniyatni boy berishgan bo'lsa ham, qizlarimiz mamlakatimizda jamoaviy sport turlari yangi bosqichga chiqayotganini ko'rsatishdi. V Islom birdamligi o'yinlarida, ayniqsa, negizi



MVSM sportchilaridan iborat bo'lgan og'ir atletikachilarimiz yuqori mahorat namoyish etishdi. Delegatsiyamiz hisobidagi jami 51 ta oltin medalning 15 tasi aynan ularga tegishli bo'ldi. E'tiborlisi, mazkur medallar 6 nafar atletimiz tomonidan qo'lga kiritildi.

Yengil atletikachilarimiz V Islom birdamligi o'yinlarida 4 ta oltin, 2 tadan kumush va bronza medallarni qo'lga kiritib, umumjamoa hisobida 4-o'rindan joy oldi. Yurtimiz sportiga oid voqeilik ayollar o'rtasidagi balandlikka sakrash bahslarida kuzatildi. Negaki, g'oliblik uchun raqobat o'zbek sportchilari – tajribali Svetlana Radzivil va MVSM vakili Safina Sadullayeva o'rtasida kechdi va ko'pchilikning diqqat markazida bo'ldi. Ta'kidlash joiz, endi 24 yoshni qoralagan Sadullayeva bundan oldin AQShda o'tkazilgan jahon chempionati hamda Polshada bo'lib o'tgan "Brilliant liga"

musobaqasida qatnashib, so'ng V Islom birdamligi o'yinlariga yetib borgandi. Shunday murakkablik va yo'l azoblariga qaramay, yosh atletimiz Turkiyada ham Polshadagi muvaffaqiyatini takrorladi. Jahon chempionatidan keyingi o'rinda turuvchi "Brilliant liga" musobaqasida zafar qozongan birinchi o'zbekistonlik atlet Turkiyada 1.97 metrlik natija bilan o'zining shaxsiy rekordini yangilash barobarida chempionlikni tantana qildi. Radzivil esa kumush medal egasiga aylandi. "Konya – 2021" o'yinlarida yana bir yosh iste'dodli yengil atletikachimiz oltin medalga musharraf bo'ldi. Endi 15 yoshni qoralagan Sharifa Davronova uch hatlab sakrash bahslarida Osiyo chempioni Mariya Yefremova, Osiyo o'yinlari g'olibi Maria Londa, Olimpiada o'yinlari ishtirokchisi Roksana Xudoyorova kabi yetakchi sportchilarni ortda qoldirgani

yurtimizda iqtidorli sportchilarni saralash, ularga zarur shart-sharoitlar yaratish borasida amalga oshirilayotgan islohotlar samarali kechayotganligini anglatdi.

Dzyudochilarimiz ham yaxshi natijalar qayd etishdi. Xususan, MVSM vakillari Muzaffar To'raboyev va Gulnoza Matniyazova o'zlarining ajoyib g'alabalari bilan oltin medalni qo'lga kiritishdi. Kichik serjant Gulnoza Matniyazova (-70 kg) final bellashuvida o'zining asosiy raqobatchilaridan biri tunislik Nihel Landolsini chiroyli tarzda mag'lub etib, muxlislar olqishiga sazovor bo'ldi. V Islom birdamligi o'yinlarida katta muvaffaqiyatga erishgan sportchilarimizning ana shunday ajoyib g'alabalari tahliliga batafsil to'xtaladigan bo'lsak, u gazetamiz sahifalariga sig'maydi.

V Islom birdamligi o'yinlarida Turkiya mamlakati sportchilari 145 ta oltin, 107 ta kumush, 89 ta bronza, jami 341 ta medal jamlanmasi bilan umumjamoa hisobida 1-o'rinni, O'zbekiston vakillari 51 ta oltin, 42 ta kumush, 65 ta bronza, jami 158 ta medal bilan 2-o'rinni, eronliklar 39 ta oltin, 44 ta kumush, 50 ta bronza, jami 133 ta medal bilan 3-o'rinni egalladi. "Konya – 2021" – O'zbekiston sportining xalqaro arenadagi yangicha qiyofa, mavqe va o'rni, delegatsiyamiz uchun eng yuqori ko'rsatkich qayd etilgan kompleks musobaqa sifatida tarixda qoldi.

V Islom birdamlik o'yinlarida ishtirok etgan O'zbekiston sport delegatsiyasi poytaxtimizda tantanali kutib olindi. Islom Karimov nomidagi Toshkent xalqaro aeroportining 3-terminalida o'tgan tadbirda davlatimiz rahbariyati va sport jamoatchiligi vakillari, atletlarimiz yaqinlari va muxlislar ishtirok etishdi.

Tadbir avvalida O'zbekiston Respublikasi Prezidenti Shavkat Mirziyoyevning muzaffar sportchilarimizga yo'llagan tabrigi, shuningdek "Konya shahrida (Turkiya) bo'lib o'tgan V Islom birdamligi o'yinlarida g'olib va sovrindor bo'lgan sportchilar hamda ularning trenerlarini bir martalik pul mukofotlari bilan rag'batlantirish to'g'risida"gi Prezident qarori o'qib eshittirildi. Shundan so'ng O'zbekiston Respublikasi Bosh vaziri Abdulla Aripov so'z olib, O'zbekiston delegatsiyasini ortda qolgan musobaqada erishgan muvaffaqiyati bilan qutladi va o'zbek sporti "Parij – 2024" yozgi Olimpiya o'yinlariga tayyorgarlik borasida to'g'ri yo'ldan ketayotganini alohida ta'kidladi.

O'z navbatida, sportchilarimiz nomidan dzyudo bo'yicha musobaqa g'olibi Muzaffar To'raboyev hamda yengil atletika bahslarida chempion bo'lgan Sharifa Davronova, og'ir atletika bo'yicha O'zbekiston terma jamoasi bosh murabbiyi Bahrom Mendiboyev so'zga chiqib, ushbu g'alabalar zamirida muhtaram yurtboshimiz va davlatimizning sportga qaratayotgan e'tibori turgani haqida to'xtalib, kelgusida ham bildirilgan ishonchni oqlagan holda xalqaro maydonda Vatanimiz sharafini munosib himoya qilishga va'da berishdi.

Tadbir o'ziga xos bayramga aylanib ketdi. Shoir va san'atkorlar ijrosidagi she'r, kuy-qo'shiqlar davraga ko'tarinki kayfiyat baxsh etdi. Shundan so'ng delegatsiyamiz maxsus avtobuslarga o'tirib, poytaxtimizning markaziy ko'chalari bo'ylab Milliy Olimpiya qo'mitasi tomon yo'l olishdi. Bayramni oynayijahon orqali kuzatib turgan muxlislar ham ko'chaga chiqib, sportchilarimizni qutlab, olqishlab turishdi. Sportchilarimiz muvaffaqiyati sharafiga tashkil etilgan mushakbozlikka odamlar hovli, uy balkonlariga chiqib yoki derazalardan boqib, jo'r bo'lishdi. Barakalla, bardam bo'l, o'zbek o'g'loni!

Rasul JUMAYEV, «Vatanparvar»

Profilaktika

YO'L QOIDASI - UMR FOYDASI

Mudofaa vazirligi qo'shinlarida harbiy xizmatchilar uchun xavfsiz sharoitlar yaratish, ularning hayoti va sog'lig'ini saqlash masalalari doimiy e'tiborda bo'lib, bu harbiy boshqaruv organlari faoliyatini baholashning ustuvor yo'nalishlaridan biridir.



Mudofaa vazirligining Toshkent shahridagi harbiy qismlaridan birida shaxsiy tarkib o'rtasida baxtsiz hodisalarning oldini olishga qaratilgan profilaktik choratadbirlarning samaradorligini oshirish hamda shaxsiy daxldorlik hissini kuchaytirish maqsadida huquqni muhofaza qiluvchi organlar bilan hamkorlikda profilaktik tadbir o'tkazildi.

Unda hududlarda sodir etilgan avtotransport hodisalari haqida statistik ma'lumotlar berilib, tanqidiy-tahliliy mulohazalar bildirildi. Harbiy avtomobil nazorati inspeksiyasi hamda Toshkent shahri ichki ishlar bosh boshqarmasi yo'l harakati xavfsizligi bo'limi xodimlari tomonidan baxtsiz hodisalar asosidagi qisqa, ammo ta'sirchan videolavhalar yig'ilganlar e'tiboriga havola qilindi.

Ochiq muloqot tarzida tashkil etilgan tadbirda ishtirokchilar o'zlarini qiziqtirgan savollarga soha mutaxassislaridan javob oldi. Yo'l qo'yilgan kamchiliklardan to'g'ri xulosa chiqarish hamda bunday profilaktik tadbirlarni respublikamizning olis hududlarida ham tizimli o'tkazish kerakligi ta'kidlandi.

Tanlov

TAYANCHIMAN O'ZBEKISTONNING!

Mudofaa vazirligining Buxoro viloyatidagi harbiy qismlaridan birida yosh harbiy xizmatchilar ishtirokida "Tayanchiman O'zbekistonning!" mavzusida insholar tanlovi bo'lib o'tdi.



O'zbekiston mustaqilligining 31 yilligiga bag'ishlangan, "Yangi O'zbekistonda el aziz, inson aziz" degan bosh g'oyani o'zida mujassam etgan ushbu tanlovning asosiy maqsadi Vatanimiz posbonlarining bilim va ko'nikmalarini mustahkamlash, iste'dodli yoshlarning tashabbuslarini qo'llab-quvvatlashdan iborat.

Uch bosqichni o'z ichiga olgan ushbu tanlov Qorovulbozor tumani hokimligi, tuman xalq ta'limi bo'limi hamda nodavlat notijorat tashkilotlar hamkorligida tashkil etildi. Unda yosh harbiy xizmatchilar o'zlarining zamonaviy, tahliliy va ijodiy yondashuvi aks etgan insholari asosida bellashdilar. Yakuniy natijalarga ko'ra, kichik serjant Azamat Ahrorov faxrli 1-o'rinni qo'lga kiritib, diplom va esdalik sovg'alar bilan taqdirlandi. Bunday tanlovlar yurt o'g'lonlarida Vatanga sadoqat ruhini kuchaytirish, uni ko'z qorachig'idek asrash kabi muqaddas burchiga sidqidildan yondashishlariga xizmat qiladi.

Ma'naviyat

MILLAT OYDINLARI XOTIRLANDI

Poytaxtimizdagi "Shahidlar xotirasi" yodgorlik majmuasida Qatag'on qurbonlarini yod etish kuni munosabati bilan Mudofaa vazirligining Toshkent shahridagi harbiy qism shaxsiy tarkibi bilan "Yangi O'zbekistonda el aziz, inson aziz" mavzusida ma'naviy-ma'rifiy tadbir o'tkazildi.



Vatanimiz ozodligi uchun kurashda jon fido qilgan ajdodlarimiz xotirasiga bag'ishlab barpo etilgan ushbu me'moriy yodgorlik majmuasi 2000-yil 12-may kuni bunyod etilgan. Tadbirda 17 gektarni tashkil etuvchi ushbu

maydonda vafot etgan ziyoli arboblarmiz - Abdulla Qodiriy, Abdurauf Fitrat, Abdulhamid Cho'lpon va boshqa buyuk jadidlar o'tmishi va boy ijodiy merosi haqida ma'lumot berildi.

Yodgorlik majmuasida joylashgan Qatag'on qurbonlari xotirasi davlat muzeyidagi sharqona me'moriy uslubdagi arxitektura san'ati, qiziqarli ekspozitsiyalar, noyob fotosuratlar va tarixiy hujjatlar harbiy xizmatchilarda unutilmas taassurot qoldirdi. Tadbir ishtirokchilari bu maskanda mamlakatimizdagi millat oydinlari haqida ma'lumot olish bilan bir qatorda, o'zbek xalqining tarixiy, ijtimoiy, madaniy va ma'naviy hayoti haqida zarur xronologik manbalar bilan tanishdi.

Tadbir so'ngida bu kabi amaliy mashg'ulotlarni tizimli va muntazam tashkillashtirishga kelishib olindi. Bu esa harbiy xizmatchilarda yuksak vatanparvarlik ruhini yanada mustahkamlashda muhim ahamiyat kasb etadi.

Vatanga qasamyod

YURTGA SADOQAT ONTI

Vatanga qasamyod - Qurolli Kuchlar safiga kirayotgan har bir fuqaroning konstitutsiyaviy va qonun talablariga binoan Vatanni himoya qilishdek muqaddas burchini bajarishga beradigan tantanali vadasidir. Shu munosabat bilan Mudofaa vazirligining Toshkent shahrida joylashgan harbiy qismlaridan birida "UFC" aralash jang sporti yulduzi Mahmud Murodovning fuqarolik burchi bo'lgan "Vatanga qasamyod" qabul qilish marosimi bo'lib o'tdi.



Taniqli sportchilar, yoshlar va san'at vakillari ishtirok etgan tantanali tadbirda M. Murodovning jahon arenalaridagi faoliyati haqida videolavhalar namoyish etildi. San'at ustalarining chiqishlari esa yig'ilganlarga ko'tarinki kayfiyat ulashdi. Shundan so'ng mehmonlarga harbiy qismda yaratilgan shart-sharoitlar, sport yo'nalishiga oid obyektlar yaqindan tanishtirildi. Harbiy qismda yaratilgan imkoniyatlardan oqilona foydalangan holda Vatani himoyachilari va ularning farzandlari hamda o'quvchi yoshlar ishtirokida sportning bir necha turlaridan to'garaklar tashkillashtirish bo'yicha fikrlar bildirildi.

Tadbir so'ngida Mahmud Murodov Mudofaa vazirligi harbiy xizmatchisi bo'lganidan faxrlanishi, "Vatan himoyachisi" degan nom unga ko'proq mas'uliyat yuklashi, kelajakda yurt bayrog'ini dunyo arenalarida yuqori ko'tarishga bor kuchini safarbar etishini ta'kidladi. Yaqin kunlarda "Muradov professional league" jamoasi bilan hamkorlikda sport musobaqalari hamda harbiy-vatanparvarlik ruhidagi tadbirlarni tashkillashtirishga kelishib olindi.

Madaniyat

A'LO KAYFIYAT ULASHDI

Mudofaa vazirligining Navoiy viloyati Uchquduq, Zarafshon va Navoiy shaharlaridagi harbiy qismlarida "Kulgilaringizni sog'indim" nomli konsert dasturi o'tkazildi.



Harbiy xizmatchilarning bo'sh vaqtini mazmunli o'tkazish, ijtimoiy qo'llab-quvvatlash hamda yoshlarning teatr va san'atning boshqa turlariga qiziqishlarini oshirish maqsadida tashkil etilgan tadbirda taniqli so'z ustasi Avaz Oxunning hazil-mutoyibaga boy chiqishlari, xushovoz xonanda, el suygan san'atkor Akmal Sadixonovning diltortar va sho'x navolari harbiy xizmatchilarning oila a'zolari hamda muddatli harbiy xizmatchilarga ko'tarinki kayfiyat bag'ishladi.



Mustaqillikning nechog'li muqaddas ne'mat ekani, uning qadriga yetish, shukronalik hissini oshirishga qaratilgan ushbu musiqiy dasturdagi xalqchil va sodda parodiyalar tomoshabinlarda katta taassurot qoldirdi. Bunday tadbirlar xalq va armiya bir tan-u bir jon ekanining yaqqol namunasi bo'lib, respublikamizning boshqa olis hududlarida joylashgan harbiy qismlarda ham yuqori saviyada o'tkazilmoqda.

НОВЫЕ ВОЕННЫЕ РАЗРАБОТКИ

Специалисты американской компании «Аэровайронмент» приступили к огневым испытаниям патрулирующего боеприпаса, получившего наименование «Свичблэйд-600». В комплекс входит сам боеприпас в транспортно-пусковом контейнере (ТПК) и пульт управления в форме планшетного компьютера. Контейнер может использоваться на двуноге, что позволяет производить запуск самостоятельно. Также разрабатываются опорные устройства для монтажа комплекса на автомобили, бронетехнику, катера и вертолеты. Пуск происходит по-минометному, с большим углом возвышения. После выхода из ТПК боеприпас начинает самостоятельный полет. В носовой части корпуса находится оптико-электронный блок в подвижном корпусе, используемый в качестве средства разведки и го-

при стрельбе. Миномёт оснащен компьютеризированной системой управления огнем, инерциальной навигационной системой, а также

от типа мины). Расчёт три человека. Наводка осуществляется автоматически при помощи электронных приводов, а при необходимости вручную. Миномёт предназначен в первую очередь для подразделений воздушно-десантных войск и сил быстрого реагирования.

Специалисты турецкой компании «Элфатек электроник» разработали новую дистанционно управляемую машину (ДУМ), получившую название «Анкебот». Она предназначена для подразделений специального назначения и может быть задействована при

с полезной нагрузкой 100 кг. В качестве оружия на ДУМ может быть смонтирован 7,62-мм пулемет, а при установке специального оборудования машину можно применять при разминировании, тушении очагов возгорания и эвакуации раненых.

Военно-морские силы Сингапура приступили к испытаниям перспективного дистанционно управляемого катера (ДУК), направленным на оценку его автономности и функциональности всех систем. По мнению военных специалистов страны, ДУК данного типа способны заменить в составе флота патрульные корабли проекта LMV, направив последние на решение задач по защите интересов государства в удаленной морской зоне. Катер имеет длину 16,9 метра, ширину 5,2 метра, водоизмещение 30 тонн. Максимальная скорость хода более 25 узлов, автономность по топливу около 36 часов. В качестве вооружения предполагается установить модуль с 12,7-мм пулеметом. Особенностью аппарата является современная бортовая система предупреждения о столкновении с препятствиями и судами. В состав команды управления входят два оператора.

В Таиланде специалистами компании «Панат ассэмбли» разработана перспективная плавающая боевая бронированная машина (ББМ) R600 «Панус», предназначенная для подразделений морской пехоты и других родов войск национальной армии. Колесная формула новой ББМ 8 x 8, длина 8,4 метра, ширина 3,2 метра, высота 2,7 метра, максимальная боевая масса 25 тонн. Мощность двигателя фирмы «Камминз» 600 лошадиных сил, в качестве трансмиссии используется шестиступенчатая автоматическая коробка передач «Аллисон 4500». Запас хода по топливу 800 км, максимальная скорость движения по шоссе 110 км/ч, на плаву – 14 км/ч. Машина может перевозить до 20 экипированных морских пехотинцев. В перспективе на нее планируется установить необитаемую башню NEFER RCSWS с 30-мм автоматической пушкой, производимую турецкой компанией «Аселсан». В зависимости от комплектации броневая защищенность машины соответствует 2-му или 3-му уровню стандарта НАТО STANAG 4569.

ловки самонаведения. Также имеются автопилот со спутниковой системой навигации и средства связи с оператором. «Свичблэйд-600» оснащается тандемной кумулятивно-осколочной боевой частью, которая позволяет пробивать до 600-800 мм гомогенной брони. Имеются контактный и дистанционный взрыватели. Масса боеприпаса 23 кг, дальность действия более 40 км. Полет занимает 15-20 минут, после чего начинается патрулирование в заданном районе. Максимальная продолжительность полета выше 40 минут. Таким образом, у оператора остается не менее 20 минут для поиска и поражения цели.

Израильский 120-мм самоходный миномёт «Спеа» Mk 2 создан специалистами фирмы «Элбит системз». Артиллерийская часть оружия смонтирована на базе бронированного автомобиля «Плазан Сэндкэт» (колесная формула 4 x 4). Особенностью данной боевой системы является конструкция противоткатных устройств, которые существенно снижают динамическую нагрузку на подвеску машины

системой автоматического наведения. Он совместим также со всеми типами боеприпасов для 120-мм гладкоствольных минометов стандарта НАТО. Миномёт переводится из походного положения в боевое за 1 минуту, его скорострельность 15 выстр./мин, дальность стрельбы до 12 км (в зависимости

от типа мины). Расчёт три человека. Наводка осуществляется автоматически при помощи электронных приводов, а при необходимости вручную. Миномёт предназначен в первую очередь для подразделений воздушно-десантных войск и сил быстрого реагирования. Машиной может управлять один человек с использованием пульта дистанционного управления, находясь в укрытии на расстоянии 200 м. Гусеничная ходовая часть приводится в движение с помощью электромоторов. Полной зарядки бортовых аккумуляторных батарей хватает на 8 часов непрерывной работы. Аппарат способен развивать максимальную скорость движения по ровной дороге 6 км/ч



31-avgust – Qatag'on qurbonlarini yod etish kuni

ХУРЛИК ҚУРБОНЛАРИНИ

Озодлик, Мустақиллик, инсоният учун бу тенгсиз бахтдан-да улғу, азиз неъмат бормикан? Ватан тимсолини, Ватан ягоналигини, миллат бахтини эркисиз тасаввур этиб бўладими? Хурлик эпкинларида улғайган авлод борки кўкси баланд, аҳди баланд, шаҳти баланддир. Истиклол нури остида унган, қад ростлаган миллат борки сўзи ўткир, фикри ўткир, бахти терандир. Шу сабаб миллат хурлиги, Ватан мустақиллиги жон қадар асралади, қон тўкиб асралади. Чунки эллар, элатлар учун истибдод зулмидан-да оғир жазонинг ўзи йўқ. Таассуфлар бўлсинки, қуллик, қарамлик, қатағон зулми – мустабид тузум заҳмини минглаб шаҳидлар қони тўкилган она заминимиз кўрди, елкасини истило қамчиси қавартирган миллатимиз кўрди. Бунга қарши бош кўтарганлар аёвсиз қатағон зулмига грифтор этилди...

Меҳнат таътилини ҳар йили водий бағрида, туғилиб ўсган қишлоғимда ўтказаман. Ҳар гал она қишлоғим – Ражабгарди ҳақида сўз кетганда, унинг сўлим табиати нақшинкор боғлари, хушбўй ҳидли, шакар таъмли мевалари таърифни келтиришдан, мақташдан чарчамайман. Ва, албатта, унинг қатағонга учраган, мозийни титратган мудҳиш кунлари – ўтмиши ҳақида ҳам.

Аслида, шўролар бош бўлган мустабид тузум даврида унинг заҳмини тотмаган, топталмаган шаҳару қишлоқнинг ўзи йўқ. Аммо Ражабгардининг тарихига назар ташласангиз ҳар қарич ерида шаҳидлар қони тўкилганлигини, уларнинг нолаларини ҳис қиласиз, фарёдига шерик бўласиз, бу кунлар такрорланмаслиги учун хурлигимизни жон қадар асрашга беихтиёр қад ростлайсиз, куч топасиз, қудрат топасиз.

Ражабгарди қишлоғини қатағонга учраган даври билан ҳозирги истиқлол бағрида кечаётган осуда ҳаётида, гўзал кучоғида жуда катта фарқ бор. Шўро аскарлари топтаган ўша кўчалар, шаҳидлар қони сачраган деворлар ўзгарган. Босқинчилар бегуноҳ қурбонларни милтиғи учидаги найзага илиб, чангаллар устига териб қўйгандаги ваҳшийлик излари кўзга ташланмайди. Иблислар «ов» қилган далалардаги деҳқонлар қони юзилиб кетган. Қатағон кунли суви қон бўлиб оққан катта Дарвешобод ариғи ҳам мискин момо каби кичрайган, қартайган. Аммо бир ҳақиқат ҳамон бош кўтариб туради, яъни у кунни унутмаслик, неча юзлаб қурбонлар фарёдини унутмаслик. У кунлар такрорланмаслиги учун Ватан озодлиги, миллат эркини асраш йўлида ҳамиша хушёр бўлиш.

Ўзбекистон туманининг адирликларга туташ бу сўлим гўшаси чор Россияси истило қилишидан аввал 20 га яқин

номдор бойлари, зиёли инсонлари, қўли гул хунармандлари билан ном қозонган. Қишлоқ ичидан Андижон, Ўш, Кошғар томонларга савдогарлар учун карвон йўли ўтган. Шу сабаб қишлоқда карвонсарой ва мусофирхона (*меҳмонхона*)лар мунтазам фаолият юритган. Аммо мустамлакачилик даврида қишлоқдан файз кетган. Энг даҳшатлиси 1920 йилнинг мартида қишлоқ аҳли, тўғрироғи Ражабгарди ва у билан ёнма-ён жойлашган Ўқчи қишлоғининг ўсмир, йигиту эркакларига тўрт соатлик қатағон – отув ҳукми белгиланган. Шу кунни етти юздан зиёд киши милтиқ отиб, найза санчиб, қилич билан чопиб ўлдирилган. У кунларни хотирлаш оғир, аммо ёдда саклаш шарт.

Мен бу ҳақда тарихни ўрганиб, катталар билан суҳбатлашиб, улар қолдирган хотира китобини ўқиб мақолалар тайёрлаганман, ҳикоялар ёзганман. Ўша пайтда Ражабгардининг юз билан юзлашаётган энг кекса отахони Кенжабой ота Абдурахмонов ҳузурда бўлгандим. Тарихнинг тирик гувоҳлари бўлмиш бундай улғу инсонлар билан суҳбатлашининг ўзига хос гашти бор. Чунки йигирманчи йилларда қишлоқда кечган қатағон зулмининг аччиқ айрилиқ азоби, Иккинчи жаҳон урушининг қонли жангҳоқлари отахон ҳаётида чуқур из қолдирган. Кенжабой ота билан суҳбат давомида мен ҳам бу унутилмас хотираларга шерик бўлгандим.

...Қишлоқнинг зиёли хонадони – Маназархўжа оиласида еттинчи ўғил дунёга келди. Унга фарзандларнинг энг суюқлиси дея Эркахўжа деб исм қўйишди. Аммо унинг болалик йиллари ота-она орзу қилгандек хурам кечмади. Юртни эгаллаган босқинчиларнинг истибдод зулми Ражабгардини ҳам ўз домига тортди. Қишлоқда мустабид тузумга қарши ҳаракат қилганлар билан босқинчи шўро аскарлари ўртасида бўлиб ўтган тўқнашув душманнинг беш нафар аскарини бартараф этди. Лекин бу Ражабгарди ва Ўқчи қишлоқлари учун катта офат келтирди. Яъни қизил аскарлар қўмондони буй-



УНУТМАНГ!

руғига кўра, ҳар икки қишлоққа жазо бўлинмалари юборилиб, ўсмир йигитлардан тортиб, чолларга қадар отув ҳукми – қатағон белгиланди. Олтмишдан зиёд бадавлат хонадонларга ўт қўйилди.

– Гуноҳсиз, тинч аҳоли ваҳшийларча қирғин қилинган ўша пайтларда мен ёш бола эдим, – дея хотирлайди Кенжабой ота чуқур хўрсиниб. – Бир кунда оиламиз Бобоназар, Хўжаназар, Бекназар, Холматбек исмли тўрт акам ва Мамараҳим амакимдан жудо бўлган. Уйларимизга ўт қўйилган. Отам ва икки акам яшириниб, омон қолишган. Бу азобли айрилиқ ва руҳий изтироб отамнинг бевақт ўлимига сабаб бўлди. У кўз юмишидан аввал «*тўрт норғул ўғлим, укамдан айрилдим. Хонадоним култепага айланди. Бу азобларга юрагимнинг дош бериши қийин. Шунинг учун Эркахўжанинг отини Кенжабой деб ўзгартираман. Чунки энди уни эркалатиб, вояга етказишга қодир эмасман*», дея исмиمنى ўзгартириб, жон берган экан...

Ҳа, йиллар қатидаги қалбларни титратувчи машъум воқеалар хотираларга қалқиб чиққанда дилингизни оғриқ эгаллайди, маҳзунлик эгаллайди. Беихтиёр озод, ҳур Ватанда эркин ва осуда яшаётганингизга шукроналар келтирасиз.

Мустабид тузумнинг миллатнинг энг сара фарзандларини аждаҳо янглиғ домига тортган қатағон зулми юртимиз бўйлаб узок йиллар давом этди. Ражабгарди-

нинг энг сара, кўзга кўринган инсонларини ҳам бир-бир ямламай ютди. Юзлаб бегуноҳ инсонлар истибдод зулми остида отувга ҳукм қилинди, мол-мулки мусодара этилди, шаънига «халқ душмани» тамғаси босилди. Онамнинг дадалари Мирзоакбарқори бобом ҳам қишлоқнинг имоми, мадрасани битирган зиёли инсон бўлгани учун 1938 йили «халқ душмани» сифатида мол-мулки мусодара этилиб, Сибирга сургун қилинди. Бобомга жаллодлар қўлидан юртга қайтиш насиб этмади. Қишлоғимиздаги ўнлаб зиёлилар, ҳатто оилалари билан сургунга учради. Биргина бизнинг қишлоқдаги қатағон қурбонлари ва унинг мислсиз азиятини чеккан инсонлар, юракларни титратувчи машъум воқеалар ҳақида узок тўхталиш, ҳикоя қилиш мумкин. Бир сўз билан айтганда, Ватан тарихи, миллат тақдири билан боғлиқ у кунларни унутманг, унутмайлик, унутмасинлар! Зеро, бу Ватанимиз истиқболига, истиқлолига дахлдордир.

Бугун мустақил, озод диёримизда қатағон қурбонларининг уйғоқ руҳи шод эканига шубҳа йўқ. Зеро, улар орзу қилгандек, Ўзбекистонимиз истиқлол нури, хурлик ялови остида дунёга бўй кўрсатмоқда. Она диёримизнинг эрки, озодлиги учун курашган, қурбон бўлган фарзандларининг номи эса ҳамиша барҳаётдир.

Зулфия ЮНУСОВА,
«Vatanparvar»

Mudofaaga ko'maklashuvchi "Vatanparvar" tashkilotlarida

Mamlakatimiz mustaqilligining 31 yilligi munosabati bilan joylarda "Yangi O'zbekistonda el aziz, inson aziz" degan bosh g'oyani o'zida mujassam etgan tashkiliy-amaliy, ma'naviy-ma'rifiy tadbirlar, davra suhbatlari hamda uchrashuvlar o'tkazilmoqda.



YOSHLAR KAMOLOTTIDA MUHIM O'RIN

Jumladan, O'zbekiston Respublikasi mudofaasiga ko'maklashuvchi "Vatanparvar" tashkilotining Samarqand viloyati kengashi tasarrufidagi "Afrosiyob" o'quv sport-texnika klubi jamoasi tomonidan Samarqand shahridagi maktabgacha ta'lim tashkilotida o'tkazilgan tadbir ham ushbu muhim sanaga bag'ishlandi. Shahar mudofaa ishlari boshqarmasi, xalq ta'limi bo'limlari, maktabgacha ta'lim tashkilotlari hamda Ma'naviyat targ'ibot markazi shahar kengashlari bilan hamkorlikda o'tkazilgan tadbirida ko'plab yoshlar ham faol ishtirok etdi.

– Muhim sana munosabati bilan o'tkazilayotgan bunday

tadbirlar yoshlarning qalbida ona Vatanga muhabbat va sadoqat hissini, vatanparvarlik tuyg'usini shakllantiradi, – deydi O'STK boshlig'i Alisher Usmonov. – Bu esa, o'z navbatida, yoshlar kamolotida alohida o'ringa ega.

Shu o'rinda ta'kidlash joizki, Samarqand shahrida joylashgan "Afrosiyob" o'quv sport-texnika klubida ommaviy kasb mutaxassislarini tayyorlash, sportning texnik va amaliy turlarini rivojlantirish borasida ham muayyan ishlar amalga oshirilmoqda. Birgina joriy yilning o'tgan oylari mobaynida 500 nafarga yaqin "B", "BC" toifali haydovchi tayyorlashga erishildi.

"Yozgi biatlon", "Triatlon" va "Aviamodel" seksiyalarida faoliyat yuritayotgan yoshlar turli sport musobaqalarida ishtirok etib, yuqori o'rinlarni qo'lga kiritmoqda. Triatlon bo'yicha o'tkazilgan respublika kubogi bosqichida ishtirok etgan sportchi Musavvir Salimov faxrli 1-o'rinni egalladi.

Bu kabi muvaffaqiyatlarda "Afrosiyob" o'quv sport-texnika klubi jamoasining zamon talablariga mos faoliyati, shuningdek, ularni har tomonlama qo'llab-quvvatlab, ezgu ish hamda tashabbuslarga bosh-qosh bo'layotgan klub rahbariyatining xizmatlari alohida o'rin tutadi.

O'zbekiston Respublikasi mudofaasiga ko'maklashuvchi "Vatanparvar" tashkilotining Samarqand viloyati kengashi tasarrufidagi "Afrosiyob" o'quv sport-texnika klubi jamoasi siz, aziz yurtdoshlarimizni mamlakatimiz mustaqilligining 31 yillik bayrami bilan qutlaydi.

Vatan ravnaqi, xalqimiz farovonligi yo'lidagi samarali ishlaringizda ulkan zafarlar yor bo'lishini tilab qoladi!



O'zbekiston Respublikasi mudofaasiga ko'maklashuvchi "Vatanparvar" tashkilotining Sirdaryo viloyati kengashi tasarrufidagi Yangiyer o'quv sport-texnika klubida yoshlarni ijtimoiy foydali va ommaviy vatanparvarlik ishlariga ko'proq jalb etish maqsadida qator tadbirlar amalga oshirilmoqda. Bunday tadbirlar, ayniqsa, mamlakatimiz mustaqilligining 31 yillik bayrami arafasida yana ham izchil tus olmoqda. O'zbekiston Respublikasi Prezidentining "O'zbekiston Respublikasi davlat mustaqilligining o'ttiz bir yillik bayramiga tayyorgarlik ko'rish va uni yuqori saviyada o'tkazish to'g'risida"gi qarori ijrosi doirasida o'tkazilayotgan tadbirlar shular jumlasidandir.

MUSOBAQALARGA BO'LGAN QIZIQISH ORTMOQDA



– Tashkilotimizda yoshlarni vatanparvarlik ruhida tarbiyalash bilan bir qatorda, ularning sog'lom shakllanishlariga ham alohida e'tibor qaratilmoqda, – deydi O'STK boshlig'i Anvar Sotiboldiyev. – Shuning uchun "Havo miltig'idan o'q otish", "Yozgi biatlon", "Karting", "Duatlon" hamda "Avtoralli" kabi sportning texnik va amaliy turlaridan seksiya va to'garaklar ishlab turibdi. Buning natijasida tizim tashkilotlari o'rtasida o'tkazilayotgan turli yo'nalishdagi musobaqalarda yangiyerliklar muvaffaqiyat qozonib, faxrli o'rinlarni egallamoqdalar.

Yoshlarni Vatanga muhabbat ruhida, ma'nan va jismonan tarbiyalash, harbiy-vatanparvarlik g'oyalarini targ'ib qilish maqsadida shahardagi turli tashkilot va muassasalar o'rtasida sport musobaqalari

muntazam tashkil etiladi. Jumladan, havo miltig'idan o'q otish musobaqalariga ishtirokchilarning qiziqishi katta. Buning isbotini shu sport turi bo'yicha bellashuvlarda qatnashuvchilarning safi yil sayin kengayib borayotganida ham ko'rish mumkin.

Yaqinda o'quv sport-texnika klubida Yangiyer shahri IIB xodimlari o'rtasida "Vatanparvar oyligi" doirasida havo miltig'idan o'q otish musobaqasi o'tkazildi. Unda g'olib bo'lgan qatnashchilarga tadbir tashkilotchilari tomonidan qimmatbaho va esdalik sovg'alar taqdim etildi. Shuningdek, ichki ishlar xodimlari Yangiyer o'quv sport-texnika klubida yaratilgan shart-sharoitlar bilan ham yaqindan tanishdilar.

O'zbekiston Respublikasi mudofaasiga ko'maklashuvchi "Vatanparvar" tashkiloti Sirdaryo viloyati kengashi tasarrufidagi Yangiyer o'quv sport-texnika klubi jamoasi Qurolli Kuchlar saflarida xizmat qilayotgan barcha harbiy xizmatchilarni, shuningdek, "Vatanparvar" tashkiloti tizimida mehnat qilayotgan hamkasblarini davlatimiz mustaqilligining 31 yillik ayyomi bilan tabriklaydi.

E'tirof



Ёшлар куни муносабати билан Президентимизнинг қарорига кўра, бир гуруҳ фидойи, шижоатли ёшлар «Мард ўғлон» давлат мукофоти билан тақдирланди. Улар сафида Давлат хавфсизлик хизмати Чегара қўшинлари контракт бўйича ҳарбий хизматчиси, дзюдо ва самбо бўйича спорт устаси, кўл жанги бўйича спорт усталигига номзод оддий аскар Муҳаммадлазиз Қаюмов ҳамда Чегара қўшинлари Ашула ва рақс ансамбли яккаҳон хонандаси Комронбек Мамадалиев ҳам бор.

Спорт – жамиятда соғлом муҳитни тарғиб этувчи, инсонни тобловчи, унга сабр-бардош ва чидамлиликни ўргатувчи,

ЧЕГАРА ҚЎШИНЛАРИНИНГ «МАРД ЎҒЛОН» ЛАРИ

орзу-мақсадлари сари етакловчи кучли восита бўлса, санъат – кишиларга маънавий озуқа берувчи, улар руҳиятига таъсир кўрсатиб, эстетик дидини шакллантирувчи муҳим омиллардан бири. Ҳар иккисининг бир-бирига ўхшаш, уйғун жиҳатлари шундаки, спорт ҳам, санъат ҳам мамлакат довуғини дунёга танитувчи соҳалар сирасига киради.

Таъкидлаш жоизки, Ватан ҳимоясида собит турган бақувват ва иродали ҳарбийларимиз ҳам, жисмоний тайёргарлик ва спортни ҳарбий хизмат билан чамбарчас, уйғун ҳолда олиб бораётганлари сабаб, ҳар икки соҳада ҳам юқори натижаларга эришиб келмоқдалар. Ана шундай забардаст ўғлонлардан бири, Давлат хавфсизлик хизмати Чегара қўшинлари сафида сарҳадларимиз дахлсизлигини таъминлаётган контракт бўйича ҳарбий хизматчи, оддий аскар Муҳаммадлазиз Қаюмов 1993 йил 25 майда Фарғона вилояти Марғилон шаҳрида туғилган.

Болалигидан жуда ғайратли ва шижоатли бўлган қаҳрамонимиз, Фарғона давлат университетини жисмоний тарбия мутахассислиги бўйича тамомлагач, ҳарбийликка бўлган иштиёқи сабаб, Чегара қўшинлари сафида хизмат қилишга бел боғлади ва мана бир неча йилдан буён юрт тинчлигини ҳимоя қилиш баробарида, дзюдо, самбо ҳамда кўл жанги спорт турлари бўйича ўтказилаётган туман, шаҳар, вилоят ва республика мусобақаларида, шунингдек, ҳуқуқни муҳофаза қилиш органлари ўртасида ташкил этилаётган баҳсларда муваффақиятли қатнашиб, юқори натижаларга эришиб келмоқда.

Хусусан, 2018–2019 йилларда самбо бўйича ўтказилган Ўзбекистон чемпионатида 2- ва 3-ўринларни, 2020 йилда универсал жанг бўйича Ўзбекистон кубоги баҳсларида 3-ўринни, 2021–2022 йилларда эса мазкур мусобақаларда фахрли 1-ўринни қўлга киритган.

Интилувчан қаҳрамонимиз нафақат миллий чемпионатларда, балки халқаро миқёсдаги мусобақаларда ҳам фаол қатнашиб, Ватанимиз байроғини юксакларга кўтармоқда. Жумладан, ҳарбий спортчимиз

Украинанинг Коблево ҳамда Туркиянинг Анталия шаҳарларида ўтказилган универсал жанг бўйича жаҳон чемпионатида икки бора жаҳон кубоги соҳиби бўлиб, юртимизга ёруғ юз билан қайтгани барчамизга фахр-ифтихор туйғуларини бағишлайди.

Камтарин ва ғайратли спортчининг эришаётган ютуқлари алоҳида эътироф этилиб, у бир неча бор рағбатлантирилган. Аминмизки, Президентимизнинг тегишли фармони билан «Мард ўғлон» давлат мукофоти муносиб кўрилиши ҳам Муҳаммадлазиз Қаюмовни янада руҳлантириб, янги-янги зафарлар сари ундаши шубҳасиз.

«Мард ўғлон» давлат мукофоти билан тақдирланган ёшлардан яна бири, ДХХ Чегара қўшинлари Ашула ва рақс ансамблининг яккаҳон хонандаси Комронбек Мамадалиевдир.

1998 йил 8 ноябрда Наманган вилоятининг, Чуст тумани Олмос қишлоғида таваллуд топган қаҳрамонимиз, болалигидан санъатга ошно бўлгани сабаб 2015–2018 йилларда Наманган санъат коллежида таҳсил олади. Оиласидаги ижодий муҳит, акиси Сардорбекнинг шу соҳада эришган ютуқлари Комронбекнинг қалбидаги қизиқишни янада ошириб, хонанда бўлишга астойдил бел боғлаган истеъдодли ўғлон тинимсиз изланишлар ва ўз устида ишлаши натижасида бир қатор танловларда фахрли ўринларни эгаллай бошлайди.

Хусусан, 2017 йилда Тошкентда бўлиб ўтган «Ёш ижрочилар» республика кўрик-танловида қатнашган Комронбек «Эстрада хонандаси» йўналиши бўйича 1-ўринни қўлга киритади. Шундан сўнг пойтахтимизда ўтказилган «Истеъдод» халқаро кўрик-танлови ва «Ботир Зокиров санъати давомчилари» республика танловларида ҳам муваффақиятли қатнашиб, ғолиблар сафидан жой олади.

Комронбек Мамадалиев жорий йилнинг май ойида Қорақалпоғистон Республикасида бўлиб ўтган «Бўзатов ФЕСТ» Ёшлар овози танловида Наманган вилоятидан «Эстрада» йўналишида 23–30 ёш тоифасида иштирок этиб, фахрли



2-ўринни қўлга киритди.

Бугунги кунда у ДХХ Чегара қўшинлари Ашула ва рақс ансамбли яккаҳон хонандаси сифатида фаолият юритиш билан бирга, Ўзбекистон давлат Консерваторияси қошидаги Ботир Зокиров номидаги Миллий эстрада институтида ҳам таҳсил олмақда.

Истеъдодли хонанданинг озодликни, ҳурлик нашидасини тараннум этувчи, ҳарбий-ватанпарварлик, юртга садоқат ва меҳр-оқибат туйғулари билан йўғрилган қўшиқлари давлат чегараларини туну кун, қуруқликда ва сувда ишончли кўриқлаётган ҳарбий хизматчиларнинг жанговар руҳини янада ошириб, кайфиятини кўтаришга хизмат қилмоқда.

Хулоса ўрнида айтиш жоизки, бугунги кунда ДХХ Чегара қўшинлари сафларида Муҳаммадлазиз Қаюмов ва Камронбек Мамадалиев сингари минглаб жасур ўғлонлар борки, юртимиз тинч, сарҳадларимиз дахлсиз. Биз осуда тунлар ва нурафшон тонлар сабабчиларига миннатдорлик билдирган ҳолда, уларга: «Доим омон бўлинг, мард ўғлонлар!» дея тилак билдирамиз.

Фарида БОБОЖОНОВА
ДХХ Чегара қўшинлари

Ma'naviyat

Bugungi kunda Qurolli Kuchlarimizning deyarli barcha ofitser va serjantlar tarkibi hamda muddatli harbiy xizmatchilarida o'ziga ishonch, ruhiy barkamollik hissi shakllandi. "Bu – mening safdoshim, mening bo'linmam, mening armiyam, mening Vatanim" g'oyasiga asoslangan, egalik hissi mujassam bo'ldi.

TAFAKKUR TERANLIGI OSHMOQDA



Harbiy xizmatchilar orasida kitobxonlikni avj olganligi, ularning ma'naviyati yanada yuksalib borayotganligiga erishildi. Mudofaa vazirligi qo'shinlari kutubxonalarini yangi zamonaviy kitoblar va mumtoz adabiyotimizning noyob namoyandalari asarlari bilan to'ldirdi.

Har juma kuni "Ma'naviyat yuksalish va vatanparvarlik kuni", har oyda alohida rejaga asosan o'tkazilayotgan ochiq eshiklar kuni,

"Qo'mondon va yoshlar uchrashuvi", harbiy qismga biriktirilgan maktab o'quvchilari bilan "Jasorat darsi", "Kim Vatanga sodiq bo'lsa, mendurman o'sha!" ustuvor g'oya asosida "Mard, jasur va sadoqatli vatanparvarlarni tarbiyalash – maktabdan boshlanadi"



mavzusida mashg'ulotlar o'tkazilib kelinmoqda.

Har yili bosqichma-bosqich Mudofaa vazirligi tizimida o'tkazib kelinayotgan "Eng yaxshi kutubxona", "Eng yaxshi kutubxonachi" ko'rik-

tanlovlari bo'linmalarda sog'lom raqobatni shakllantirishi bilan bir qatorda, kitobxonlarga qulay sharoitlar yaratish, kitob miqdorini boyitish hamda ma'naviy merosimizni kelajak avlodga yetkazishimizda ulkan zamin bo'lmoqda.

"Eng yosh kitobxon", "Eng kitobxon harbiy oila", "Amir Temur jangovar bayrog'i uchun", "Milliy tariximiz" va "Temur tuzuklari" bilimdoni tanlovlari har yili bosqichma-bosqich o'tkazilib, harbiy xizmatchilarda, ularning oila a'zolari, farzandlarida ma'naviy immunitetning shakllanishi hamda yot g'oyalar ta'siriga tushib qolmasliklarini ta'minlab kelmoqda.

Darhaqiqat, mana shunday ulkan ishlar natijasida Qurolli Kuchlarimiz o'z hayotini armiyasiz tasavvur etolmaydigan, harbiy xizmatni shunchaki ish emas, balki Vatan va xalq oldidagi muqaddas burchi deb biladigan mard va jasur jangchilar maydoniga aylandi, desak aslo mubolag'a bo'lmaydi. Diqqatga sazovor jihati shundaki, ularga nisbatan xalqimizda chuqur hurmat va ehtirom shakllanib ulgurdi.

N. IMOMJONOVA

BIR CHIMDIM

ADASHISH har bir insonga xos sifat. Ammo adashganlarning qaysarlik bilan o'z yo'lida davom etaverishi aqlsizlikdir.

SITSERON

HIKOYA

SURAT

Dunyoning ishlari doim shoshilinch. Odatdagidek tik turgancha nonushta qilayotgan edim. Onam odatdagidek qistardi:

– O'tirsang-chi, bolam. Birpas o'tirgin.
– Bo'ldi, ketdim.

– Shoshma, bolam! – onam ko'zimga odatdagidan boshqacha, qandaydir mung bilan termildi. – Gap bor!

Tipirchilab, soatga qaradim: hali benzin olish kerak, ishga borish kerak, keyin nashriyotga o'tish...

– Nima edi?

Onam ko'zimga hamon ma'yus termilib o'tirardi.

– Suratga tushaylik, – dedi to'satdan.

Ajablandim.

– Nega?

– Yaqinda men o'laman.

Onam bu gapni xuddi: "Qo'shnikkiga chiqib kelaman", degandek ohangda aytdi. Kulib yubordim.

– Qo'ysangiz-chi, oyi!

Shunday dedim-da, chiqdim-ketdim.

Oradan ikki hafta o'tdi-yu...

Kechalari uyg'onib ketaman, o'ylayman. O'ylayman: sen nomard, sen ahmoq nimaga, nimaga o'shanda kuldung? Suratga tushishga vaqting yo'qmidi? Kerak bo'lsa topasan-ku! Kitob uchun, jurnal uchun, ish ustida, bog'da, ko'chada... Nima, sen kinoyulduzmisan?

Jahonshumul shaxsmisan? Ana, bir dasta surating yotibdi. Har xil. Har yerda... Faqat... Onang bilan tushgan surating yo'q!

O'tkir HOSHIMOV

Hamkorlik

O'zbekiston Respublikasi mudofaasiga ko'maklashuvchi "Vatanparvar" tashkiloti markaziy kengashi raisi Samarqand viloyatida Qurolli Kuchlar faxriylari bilan uchrashdi.



FAXRIYLAR BILAN UCHRASHUV

Unda Husan Botirov yig'ilganlarga "Vatanparvar" tashkilotining maqsad va vazifalari haqida ma'lumot berarkan, bu yo'lida faxriylar bilan hamkorlikni yanada kengaytirish muhim ekanligini ta'kidlab, o'z takliflarini bildirdi. Xususan, "Vatanparvar" tashkiloti tizimidagi pnevmatik quroldan o'q otish va biatlon sport turlari bo'yicha to'garaklarga viloyat faxriylar Kengashi a'zolari murabbiy sifatida jalb etilishi hamda bu borada tashkilot tomonidan barcha zarur sharoit va imkoniyatlar yaratilishi ta'kidlandi.

Shuningdek, 1 oktabr – o'qituvchi va murabbiylar kuni munosabati bilan faxriylar Kengashi a'zolari o'rtasida o'q otish va duatlon sport turlari bo'yicha musobaqa tashkillashtirish va buni doimiy an'anaga aylantirish maqsadga muvofiqiqligi taklif sifatida aytib o'tildi. Vatan ozodligi yo'lida jonbozlik ko'rsatgan qahramonlar va Faxriylar kengashi raislari haqida ma'lumotlardan iborat "Qahramonlar" va "Faxriylar" burchaklarini tashkil etish, ta'lim muassasalarida yoshlar bilan uchrashuvlar tashkil qilishda

faxriylar ishtirokini ta'minlash masalalari muhokama qilindi.

Uchrashuv davomida "Vatanparvar" tashkiloti faoliyatiga oid videorolik namoyish etildi. Videorolik namoyishidan so'ng Samarqand birlashgan texnika maktabi faoliyati bilan tanishgan faxriylar, muassasada o'q otish bo'yicha o'z imkoniyatlarini sinab ko'rdi.

O'zbekiston mudofaasiga ko'maklashuvchi "Vatanparvar" tashkiloti matbuot xizmati

VATANPARVAR

MUASSIS



O'ZBEKISTON
RESPUBLIKASI
MUDOFAA
VAZIRLIGI

www.mudofaa.uz

Tahririyat kengashi:

polkovnik Hamdam Qarshiyev
polkovnik Otabek Yuldashev
polkovnik Alisher Boboxonov
Maqsud Abilov

Tahririyatga kelgan qo'lyozmalar taqriz qilinmaydi va mualliflarga qaytarilmaydi.

Mudofaa vazirligi Axborot va ommaviy kommunikatsiyalar departamenti – "Vatanparvar" birlashgan tahririyatining kompyuter markazida sahifalandi.

Bosh muharrir:

podpolkovnik Ahror Ochilov

ISSN 2010-5541

Gazeta O'zbekiston Matbuot va axborot agentligida 2008-yil 6-iyunda 0535 raqami bilan ro'yxatga olingan.

Telefonlar:

kotibiyat: 71 260-36-50
buxgalteriya: 71 260-35-20
yuridik bo'lim: 71 260-29-41
faks: 71 260-32-29

Navbatchi: Furqat Ergashev

Sahifalovchi: Begali Eshonqulov

Musahhih: Sayyora Mirzayeva

Buyurtma: F-0805

Hajmi: 6 bosma taboq

Bichimi: A3

Adadi: 29 479 nusxa

Bosishga topshirish vaqti: 14:00

Topshirildi: 14:30

Gazetaning yetkazib berilishi uchun obunani rasmiylashtirgan tashkilot javobgar. Mualliflar fikri tahririyat nuqtayi nazaridan farqlanishi mumkin.

Gazeta juma kuni chiqadi. Gazeta 1992-yilning 24-iyunidan chiqq boshlagan.

Nashr ko'rsatkichi: 114.
Bahosi: kelishilgan narxda.

"Sharq" nashriyot-matbaa aksiyadorlik kompaniyasida chop etildi.
Bosmaxona manzili: Toshkent shahri, Buyuk Turon ko'chasi, 41-uy.

1 2 3 4 5 6

Manzilimiz:
100164, Toshkent, Universitet ko'chasi, 1-uy.